

1000000000

1000000000

壽陽縣志卷之六

武備志

營秩第一

並詳官政志職官條

兵數第二

分防壽陽縣馬戰兵十九名

內把總一額
外委二

領騎官馬十

九匹步戰兵八十一名守兵四十一名

內分汛設防十五處兵六十五

名又乾隆三十五年撥樂平縣把總一員孟縣中社汛

兵十五名駐防太安鎮

軍器第三

額設馬兵盛甲十九頂副步兵盛甲一百二十二頂副



金蟒緞旗幟三堂腰刀一百三十口鳥槍六十杆帳房
 二十九頂鑼鍋二十九口鐵欵二十九張鐵鑊二十九
 把鐵斧二十九把鐵鑷二十九把風匣二十九個水帶
 州志作 二十九條百子砲四位火藥一萬二千七百觔
 水袋 每屆五年出陳易新鎗砲鉛彈四千六十五觔三兩每
 屆三年出陳易新官兵自備箭二千六十枝

糧餉第四

守備養廉銀二百兩把總養廉銀九十兩外委養廉銀
 一十八兩 武職舊無養廉各占食馬步兵名糧有差
 乾隆四十七年裁汰名糧改設養廉 按州
 志外委把總給八品頂戴仍食本身馬糧加給步戰
 糧各一分額外委給八品頂戴仍食本身馬糧

馬兵一名每歲支餉乾豆草折銀三十二兩五錢五分
 本色豆一石七斗八升八合米三石六斗步兵一名每
 歲支餉銀一十八兩本色米三石六斗守兵一名每歲
 支餉銀一十二兩本色米三石六斗

塘汛第五

縣東路曰七嶺汛西至縣治十里東至芹泉汛十里曰
 芹泉汛西至縣治二十里東至張淨汛十里曰張淨汛
 西至縣治三十里東至平定州辛店汛十里縣西路曰
 黃門汛 即舊志
 狄那汛 東至縣治十里西至大樹堙汛十里曰
 大樹堙汛東至縣治二十里西至清平汛十里曰清平

汛東至縣治三十里西至黃楊鋪汛十里曰黃楊鋪汛
卽王東至縣治四十里西至太安驛汛十里曰太安汛

東至縣治五十里西至西嶺汛十里曰西嶺汛東至縣
治六十里西至要羅汛十里曰要羅汛東至縣治七十

里西至榆次縣界牌八里東西驛路共塘汛十處每處
設墩臺望樓牌坊各一營房十間兵五名又僻汛五處

曰宗艾曰葭榆河曰黃嶺曰段王曰胡家堙每處兵三
名無營房墩臺

乾隆三十五年知縣龔導江詳部於太
安汛添建營房三十七間撥樂平縣把
總一員孟縣中社
汛兵十五名駐此

舊志縣東路五墩芹泉張淨西寨苗家嶺霍家嶺縣

西路十墩狄那大樹清平王強西嶺要羅虎頭崖羊

圈塢棗坡車壑嶺縣西北路四墩宗艾中可西可黃

嶺縣東北路三墩謝家嶺寺莊山底塘汛共二十二

處今或廢或移存其舊名於此

演武場在西關外二里許

兵氛第六

晉永嘉六年冬十月代公猗盧遣其子六修帥衆數萬
爲前鋒自帥二十萬繼之劉琨爲鄉導攻晉陽與劉曜
戰於汾東曜兵敗墜馬中七鎗夜踰蒙山而歸猗盧追
之戰於藍谷漢兵復大敗伏尸數百里猗盧因大獵壽

陽山陳閱皮肉山爲之赤

平定州志注壽陽山今陽曲縣東山非今之壽陽有辨詳

山川條蒙山下按陽曲縣東山卽今壽陽界其辨蒙山極是辨此恐不足據

唐乾符五年昭義帥李鈞與沙陀戰於岢嵐之沙谷敗死還至代州士卒擄掠州民殺之殆盡餘衆自鴉鳴谷

走歸上黨

方輿紀要引

光化二年朱全忠遣氏叔琮破遼州至於榆次晉周德威戰於洞渦河敗之

石晉天福九年契丹入犯南至黎陽別遣兵入燕門寇

太原劉知遠敗之於秀谷乃自鴉鳴谷遁去

方輿紀要引邑乘

補遺云此條及唐乾符五年條所稱鴉鳴谷似皆於陽曲孟縣相接之地爲近然走歸上黨則壽陽爲近存以

特考

天福十二年契丹以出帝重貴北去劉知遠自將東迎

故主至壽陽聞已過數日乃留兵戍承天軍還晉陽

後周建德六年壽陽劉叔仁作亂上儀同三司楊文思

嘗從拔晉州命清河公宇文神舉討之戰於塋井在陣

生擒叔仁又別從王誼破賊於鯉魚柵十二月己未東

壽陽土人反率衆五千襲并州城刺史東平公宇文神

舉討平之

依山西通志補

宋開寶元年李繼勳征太原與北漢戰於洞渦河大破之九年十月庚子鎮州巡撫郭進焚壽陽縣俘九千

人依山西通志補

靖康元年金將粘沒喝使銀朮可圍太原

攻破旁縣詔种師中由井陘道引兵救之師中進次平

定乘勝復壽陽榆次等縣山西通志復壽陽係四月事回屯真定宰

相許翰責以逗遛師中不得已進兵五月辛未抵壽陽

之石坑金將完顏活女襲師中師中五戰三勝回趨榆

次金益兵圍之至殺熊嶺兵潰師中戰死邑乘補遺云按五月辛未

師中以兵出井陘癸酉乃敗於殺熊嶺錢之青榆次縣志云石坑在宋時為平定驛路其遺戍贖堠猶有存

者种師中為金人所襲五戰三勝即是其處今為沛霖村因乾隆二年知縣王有德禱雨而得乃易此名又云

殺熊嶺距縣十里宋制置使种師中敗於此

按舊志云殺熊嶺蓋即今要羅山石坑則無考疑即

石窖村此說誤石窖在壽陽之北與此甚遠若石坑

則宋時屬壽陽今屬榆次所謂沛霖村者是也至於

殺熊嶺則壽陽要羅山以南榆次王胡以北可以通

名之然觀欽宗制詞及劉韜論奏皆以為榆次之敗

則謂在王胡者為是錄邑乘補遺

金銀朮可圍太原宋統制劉臻救太原率眾十萬出壽

陽婁室擊破之繼敗宋兵數千於榆次後蒲察降壽陽

依山西通志補

金興定元年元兵攻太原下之金晉陽公郭文振署趙

益為壽陽令駐兵榆次遂收復太原按趙益見題名條舊志此作趙蓋誤

元太祖辛巳三月金兵攻壽陽王胡莊按王胡莊在縣西六十里見村

莊垂破時太原城中卒不滿百都元帥哈喇拔都夜半

引甲騎十餘人救之道三交見金兵舉烽東西兩山哈

喇拔都趨之大戰天將明金兵遁去擣太原之虛由西

門俘獲哈喇拔都家屬哈喇拔都聞之徑趨西山復奪

以還依山西通志補

明正德九年冬十月蒙古兵南下蹂盂之方山等村至

壽陽黃嶺界而還

嘉靖二十年秋八月蒙古大人屠壽陽丁口數萬甚且

族滅無遺掠去牲畜無算按山西通志時有白鳥隨之人異焉

崇正二年流寇混世王一斗穀等掠至縣之萇榆諸村

而還 六年復掠至古城等村督撫都御史吳甦遣副

總兵曹文詔率兵掩擊大敗之獲首級無算 六年正

月臨洮總兵曹文詔追擊之斬混世王於碧霞村餘黨

為猛如虎逐走遇文詔兵方山復敗又與陳國威馬杰

破來遠寨從文詔大破賊范村國威以步卒三百夜擊

賊紅山嶺如虎杰及虎大威和應詔擊殺九條龍依山西通志補

按平定州志崇正六年正月臨洮總兵曹文詔敗賊孟縣追及於壽陽六月斬混世王於碧霞村通志兩書六年而書正月於後六年之下蓋誤

按碧霞村當在壽陽今未知處所范村恐非壽陽之

范村據曹文詔傳當是太谷范村

文詔傳云文詔連敗賊太谷范村榆

社又按猛如虎傳崇正五年擊邢紅狼於高平解其

圍明年敗賊壽陽黑山覆姬關鎮軍已從曹文詔追

賊西偃碧霞村斬混世王與頗希牧逐賊壽陽東又

與陳國威馬杰破來遠寨從文詔大破賊范村

錄邑乘補

遺 三立闕史抄崇正間經略孫傳廷追剿流寇混

世王一斗穀從長榆河上方山由東馬頭下斬於碧

霞村邑人温晉昌云方山東馬頭南無所謝碧霞村

惟有翟家下莊亦名北下莊疑霞與下音相近而偶

譌村與莊義相同而互易也按翟家上莊北有敗陣溝或卽以此事而名與

十六年冬十二月七日判將白光木率衆由黃嶺抵宗

艾次日官兵追之未及鎮二里許至婁家坪爲賊伏兵

所敗死者枕藉次日復追至縣南賈卜坪大戰官兵復

敗掠去婦女牲畜無算

按村莊條賈卜作賈象

按壽陽爲太原井陘往來孔道凡由太原而東由井

陘而西者路必經此人第知漢淮陰侯擊趙曾經過

於此不知前後之過此者甚多今從顧祖禹方輿紀

要錄其略云趙武靈王二十年使趙希并將胡代趙

與之陘蓋并將胡代趙之兵與諸軍向井陘之側也

始皇十八年王翦攻趙下井陘二十七年始皇死行

遂從井陘抵九原二世二年趙王武臣使李良略太

東下井陘擊趙云云晉太原十八年慕容垂自中山
伐西燕遣慕容瓚等分道出井陘攻晉陽二十七年

拓跋珪伐後燕潛自晉陽開韓信故道遂出井陘趨
常山北魏主朔武泰初葛榮據有冀定以北秀容酋
長爾朱榮請帥所部自井陘以北滏口以西

河南武安縣

分據險要攻其肘腋遂勒兵招集義勇北捍馬邑東
塞井陘晉泰初高歡舉兵信都爾朱兆自晉陽出井

陘趨殷州

今趙州

歡擊敗之於廣阿

隆平縣

明年爾朱兆

復攻高歡於鄴敗保晉陽歡尋自鄴引兵入滏口遣
別將庫狄干入井陘擊兆兆北走宇文周建德五年

克齊晉陽齊高孝珩請以幽州兵入土門趨并州隋

仁壽末漢王諒舉兵并州分遣其將劉建出井陘略

燕趙詔李子胡發幽州兵擊卻之唐武德三年竇建

德南渡河救王世充於洛陽詔并州總管劉世讓出

土門趨洛州調露初突厥降部叛寇定州詔將軍曹

懷舜屯井陘以備之天寶末安祿山叛遣養子安忠

志軍土門既又使其將李欽湊守井陘口以備西來

諸軍會常山太守顏杲卿起兵殺欽湊聲言朝廷已

遣大軍下井陘河北諸郡皆響應未幾常山爲賊將

史思明所陷河東帥李光弼出井陘遂復常山朔方

帥郭子儀復自井陘東出與光弼合軍聲大振既而
聞潼關陷光弼等乃復入井陘會昌四年發諸路兵
討澤潞太原兵乘間作亂詔別將王逢自榆社還討
之而命成德帥王元逵自土門入應接逢軍景福二
年李克用敗冀鎮兵於平山進下井陘尋引還光化
二年朱全忠將葛從周救魏博破幽州兵乘勝自土
門路攻河東拔承天軍五年全忠侵河東使葛從周
以兗鄆及成德軍入自土門趨晉陽又別將白奉會
成德兵亦自井陘入拔承天軍梁開平四年全忠謀
并鎮定鎮定請救於晉晉王存勳命周德威引兵出

井陘屯趙州以拒梁兵後唐清泰末契丹圍晉安砦

陽曲縣盧龍帥趙德鈞請自土門路西援石晉末契丹

入汴分軍自土門西寇河東既而契丹北還劉知遠

稱帝於晉陽進羣臣議進取諸將咸請出師井陘攻

取鎮魏先定河北則河南拱手自服矣周顯德六年

命李重進自土門擊北漢敗北漢兵於柏井宋太平

興國中車駕自太原幸常山由土門路靖康元年种

師閔及金幹離不戰於井陘敗績幹離不遂入天威

軍陷真定元至正十八年劉福邁之黨關先生等大

掠晉冀分軍四出察罕勒重兵屯列要隘塞井陘杜

太行擊卻之明初取元都亦自真定而西入井陘下
 平定州 又云明初攻擴廓於太原別軍出澤潞而
 徐達引大兵自平定徑趨太原戰城下擴廓敗走
 於是太原以下州郡次第悉平 錄邑乘補遺
 國朝順治六年夏五月姜瓖據大同叛遠近騷動壽陽
 北境接孟孟民叛北境民從焉蟻聚至數千人將略城
 知縣高象樞請鎮兵至迎擊於縣北十五里殺馬溝之
 封侯嶺賊克懼自潰官兵追殺無數尸骸委棄殆若山
 積是時守望之村互相屠掠

同治元年十二月髮匪宋景詩之亂由平陽府趨直隸
 道經壽陽近道居民畜物多被掠去 補

壽陽縣志卷之七

選舉志

進士第一

宋任兆

魏觀

趙輔之

劉愿

王道道

李光國

畢之才

石守約

金劉昫

崇慶元年經義進士見張
鎮南山廟碑 昫州志作昫

元李誼

李惠

王宣

張庸

陳正

郝文昌

王或

郝田

郝進

陳泰

龐玉

蘭芳

楊亨

以上科分仕秩無
考依舊志錄入

明藍玉

洪武辛亥科

閻璽

成化甲辰科詳文苑
入太原府鄉賢志

王來聘

隆慶辛未科詳鄉賢

王月辰

萬歷癸未科詳鄉賢
按明倫堂題

名匾王月辰榜名王陳震通志以陳震
別為一人為王月辰同榜進士竝誤

王嘉言

萬歷己未科詳鄉賢

吳玉

天啟壬戌科詳鄉賢

孫士甯

崇正癸未科 國朝授行人司行人兵部職
方司主事督理九門兼管督捕署郎中事遷

陝西西安府知府
榆林兵備道
年碑補按州志作金進士誤

王世珍

內院觀政進士
據城隍廟順治七

國朝高丹桂

順治丙戌科詳鄉賢

趙宏化

順治戊戌科詳鄉賢

祁文瀚

康熙癸未恩科詳鄉賢

弓養正

乾隆丁丑科詳鄉賢

馬慶餘

乾隆庚辰科詳文苑 龔志云吳志此下列
武全文名鄉舉則略之然全文既以孟縣通

籍載在孟志者已詳其後
未聞歸籍壽陽無庸贅入

祁韻士

乾隆戊戌科詳鄉賢
以下補

弓佩紱

養正子乾隆癸丑科詳文苑

郭承庶

嘉慶戊辰科歷任
陝西高陵縣廣西

遷江縣知縣
陞刑部主事

祁鶴藻

嘉慶甲戌科詳鄉賢

李仙蟠

嘉慶丁丑科
官內閣中書

樊爵五

道光乙未科河
南即用知縣

祁宿藻

道光戊戌科詳鄉賢

劉翼之

咸豐壬子科詳鄉賢

閻汝弼

咸豐丙辰科詳鄉賢

任熙弼

咸豐丙辰科署陝西長武縣知縣

郝世長

咸豐庚申科現任吏部侍郎

任明哲

同治辛未科授工部主事

張鑑衡

同治甲戌科授陝西即用知縣

舉人第二

元趙瑛

通志云并州壽陽人楊國祥墓表云鄉貢舉人按明倫堂題名匾據元遺山碑補元人張彥

通任忻州學正張天瑞任魏榆教諭劉庸行任宣德教授和鼎任太原府教授其出身皆未詳姑附記之

明藍玉

洪武庚戌科依通志補

殷綱

洪武庚午科授教諭

樊魁

胡海

竝建文壬午科

顏文林

永樂丁亥科授交趾道監察御史按明倫堂題名匾作永樂丁酉科宏治題名碑作丁

卯科皆誤

張幹

任知州

趙傳

任知州竝永樂辛卯科按明倫堂題名匾千戶趙毓墓表云兄傳任南昌府通判

張翔

永樂庚子科仕至工部主事

郭布

詳孝義

吳端

按宏治題名碑云在經歷

胡魁

任教諭

賈琮

詳鄉賢

王昶

任知縣竝永樂癸卯科以上五人

王敦

昶之子詳鄉賢

闕福

任長史竝正統辛酉科按植略寺景

秦元年碑任陝西靜甯州學正

岳正

正統丁卯科經魁授陝西清水縣知縣

按明倫堂題名匾正作碩

趙敬

詳鄉賢

吳傑

端之姪授顯天宛平縣知縣竝景泰癸酉科

溫志學

天順己卯科授教諭己舊作乙諺

岳崇

詳孝義

張義

任直隸祁州知州

武泰

授訓導竝成化乙酉科

閻璽 成化甲午
科詳文苑

郭謙

張良輔 宏治戊午科授直隸元氏縣知縣

州志鄉舉
亦作教諭

李濟 正德庚午
科詳鄉賢

袁萬里 詩文苑

岳鎮東 授直隸沙河縣知縣

王來聘 嘉靖戊午科

王月辰 榜名陳震萬
歷己卯科

陳謙言

吳廷弼 成化丙午科授河南靈寶縣知縣

郝敏 授內和縣知縣
並宏治乙卯科

賈章 授掖縣知縣
並宏治辛酉科

閻邦重 詳鄉賢
並宏治辛酉科

賈侃 正德癸酉
科詳鄉賢

吳冠 並嘉靖壬午科

韓演 授陝西朝邑縣知縣
並嘉靖乙卯科

賈梓 隆慶庚午科任新樂教諭陞饒陽知縣

王謚 萬歷戊子
科詳文苑

王嘉言 月辰子
萬歷丁酉科

郝名聲 萬歷己酉
科解元

高丹桂 崇正庚午科

國朝馬時明 順治丙戌科

樊載素 順治庚子科
授絳州學正

李秉銓 任曲沃縣教諭
銓通志作鈺誤

趙光祚 康熙壬午科
任蔚州學正

陳育祁 仕至甯波府海防同知
並康熙乙酉科

李澹

李廣生

李溶 任翼城縣教諭

馬凝瑞 詳鄉賢
康熙辛卯科

李溶 任翼城縣教諭

馬凝瑞 詳鄉賢
康熙辛卯科

柳文光 慎子壽陽籍康熙癸巳科州志缺

吳延齡 玉會孫康熙丁酉科

劉執躬 雍正癸卯科任蕭州安西廳同知

張元音 乾隆辛酉科

張元忠 乾隆丁卯科

趙書升 乾隆庚午科任貴州普安縣知縣

弓養正 乾隆壬申科

閻鵬展 任永甯州學正

孫峻德 歷任尚嵐州襄陵縣平陽府教職選雲南通海縣知縣署以遠晉洱府同知實授鎮沅州

郝仲成 乾隆庚辰恩科

郝恕士 乾隆乙酉科歷任山東嘉祥汶上博山蘭山四縣知縣

劉本陽 乾隆戊子科任湖南黔陽縣知縣

王徵用 乾隆庚寅恩科

趙宗文 乾隆甲午科詳鄉賢以下補

秦尙志 詳文苑

祁韻士 乾隆丁酉科

劉元一 正錫曾孫詳文苑

劉佩綬 乾隆己亥科詳文苑

弓佩綬 詳文苑

張步雲 乾隆乙卯科

康克昌 詳文苑並嘉慶戊午科

劉德秀 詳文苑

張體直 任神池縣教諭

鄭天昇

馬士鶴 康熙庚子科

李蟠 乾隆戊午科

蔡士融

趙書升 任直隸清河縣知縣

孫峻德 歷任尚嵐州襄陵縣平陽府教職選雲南通海縣知縣署以遠晉洱府同知實授鎮沅州

郝仲成 乾隆庚辰恩科

郝恕士 乾隆乙酉科歷任山東嘉祥汶上博山蘭山四縣知縣

劉本陽 乾隆戊子科任湖南黔陽縣知縣

王徵用 乾隆庚寅恩科

趙宗文 乾隆甲午科詳鄉賢以下補

秦尙志 詳文苑

祁韻士 乾隆丁酉科

劉元一 正錫曾孫詳文苑

劉佩綬 乾隆己亥科詳文苑

弓佩綬 詳文苑

張步雲 乾隆乙卯科

康克昌 詳文苑並嘉慶戊午科

劉德秀 詳文苑

張體直 任神池縣教諭

鄭天昇

霍承統 任聞喜縣教諭陞朔州學正並嘉慶庚申科

辛汝西 嘉慶甲子科任長子縣教諭

吳井楡 嘉慶丁卯科恩賜學正己巳恩賜助教

祁雋藻

韻士子嘉慶庚午科

劉禹

元一子

李仙蟠

並嘉慶丙子科

祁朝驥

詳文苑

遂映堂

詳孝義並嘉慶戊寅科

張錦標

嘉慶己卯科詳文苑

樊爵五

解崙

詳鄉賢並道光辛巳科

傅乾元

道光壬午科詳鄉賢

祁宿藻

韻士子道光乙酉科

祁世齡

韻士孫道光戊子科任文水縣教諭

李師沆

郝肯堂

任稷山縣教諭並道光辛卯科

張鳳梧

詳文苑

郭鶴齡

詳孝義並道光壬辰科

劉星魁

鄭天寵

著長治縣教諭並道光甲午科

榮襄

道光乙未科詳鄉賢

李韶秀

郭麟伍

並道光丁酉科

張鷟鳳

錦標子

秦東來

詳鄉賢並道光己亥科

王道彰

傅作霖

任岢嵐州學正汾州府教授壺關縣

教諭

康汝驥

克昌子任曲沃縣教諭

郝步蟾

允成曾孫詳鄉賢

王德裕

並道光甲辰恩科

薛承稷

韓翼堂

任國梁

任太原縣教諭

李莖

並道光丙午科

閻占鼐

任鄉賢縣教諭

張嘉言

並道光己酉科

祁世長

鴻藻子

劉翼之

白長庚

並咸豐辛亥恩科

鈕增圭

炳綬子前任武鄉縣教諭推升澤州府教授

郭學禮

閻汝弼

並成豐
壬子科

趙承恩

現任隰
州學正

王煥

現任開
喜縣教諭

任熙弼

並成豐
乙卯科

任明哲

成豐
午科

袁懋寅

任垣曲
縣教諭

溫晉昌

現任潞
城縣教諭

胡韞輝

詳鄉
賢

史秉正

詳文苑
成豐己未科

祁友觀

江西試
用知縣

王藝蕙

張丕謨

任河曲
縣教諭

武克明

現任浮
山縣教諭

張鑑衡

郭登瀛

郭紹華

任五寨
縣教諭

張映軫

霍鳳翔

並同治
甲子科

王輝

同治丁
卯科

祁友慎

同治戊辰
光緒戊寅

欽賜舉人
教授中書

霍樹整

同治庚午科現
任鳳臺縣教諭

王志讓

同治癸
酉科

李銘西

要守緒

並光緒
乙亥科

郭嚮鴻

弓沛霖

並光緒
乙卯科

王子琳

魏祥熙

並光緒
壬午科

傅芝

聶毓祥

並光緒
乙酉科

霍瑞椿

傅履祥

並光緒
乙酉科

王翰

並光緒
己丑科

各貢第三

明吳岐

擢監察
御史

閻威

聖之祖
任知縣

陳憲

任通
判

武勇

任縣
丞

王肇

任經
歷

尙志

任訓
導

王彤 任知縣

賈嵩 按州志云任知縣

張鉉

郝連

閻濬

侯顯

王顥

趙汶

梅禮

姚儀

要賢

按州志列於明歲貢之末

李讚

吳會

任知縣

安欽

任經歷

賈麟

嵩之子任主簿

武定

任公安知縣

劉定

任知縣

吳迪

任副使

閻慶

任主簿

李景

任知縣

潘茂

任照磨

趙文彬

任徐州同知接鄉賢徐作監生

趙安

謝城

任檢校

趙誠

任州同

崔翼

任知縣

閻清

任知縣

傅甯

任訓導

趙瑄

任知縣

閻浩

任知縣

李泰

孟吉

任知縣

吳嵩

任經歷

張本

任訓導

吳璉

任經歷

賈文敘

閻正

任華州州判

潘傑

任主簿

馬顯

任知事

傅佐

任判官

郭永壽

任知事

常廣

按舊志此下列聶純誤今改入例仕條

趙儒

任主簿

趙芳

任縣丞

吳復禮

任照磨

李倫

任訓導按倫當作埜詳鄉賢

閻璋

任主簿

吳代

冠之父任主簿

王萊

任縣丞

武謐

任教諭

溫玉

任縣丞

趙澗

任典儀

安良

欽之孫任訓導

陳睿

任教諭

王拱

任教授

郝廷芳

任教授

張彥

任蒲城縣教諭

陳維恭

任教授

高用章

任盤屋縣主簿

郝廷璧

任教諭

周璘

任經歷

閻邦憲

邦重弟

周寰

劉自良

任武進縣丞

吳冕

任元氏縣丞

李性

任祥符主簿

耿文

任大同王府教授

李繼學

任環縣訓導

賈雲程

任靈臺縣訓導

王寶

任甯晉知縣

閻芝

任經歷

高自謙

任甯州訓導

趙澤

任順義縣教諭

王天與

侃之子

岳鯤

任訓導

賈調梅

侃之子

傅尚賓

閻雷

任縣丞

賈調元 侃之子

白環 任主簿

王汝楫 任同官 縣訓導

李朝暘 任郊縣訓導 賜州志作陽

王士奇 任景州 訓導

李玠 任王府 教授

王謨 任寶豐縣 教諭 按吳志作登潤縣

閻雨 任清城 縣訓導

張鱣 任綏德州 訓導 鱣或作蟠鱣

王儀鳳

賈梓

趙時宣 任臨潼 縣丞

安貞 良之孫 任延 安州通判

李朮 任河津 縣訓導

趙世用 任甯羌 州訓導

張獅 任黎城 縣訓導

閻中愚

賈榘

榮天民 山東候 補知縣

陳舜道 任梓潼 知縣

傅希聖 任徽州 訓導

王磐石

岳九功

李燁之 任同官 縣教諭

王俞

賈熙 任潞城 縣訓導

安宅 任洪洞 縣訓導

李溝 任應州 學正

王屏 任鎮原 知縣

高尚事 任寶雞 縣丞

李暘 任蔚州 學正

王濟眾

閻季才 任安邑 縣教諭

閻時制 任潞城 縣教諭

王希舜 任夏縣 訓導

陳嘉言 任霍州 訓導

張教 任榮河 縣訓導

任之表 任平陸 縣訓導

王三錫 任襄垣 縣訓導

趙三晉

高可久 丹桂父任考
城縣訓導

吳象坤 任垣曲
縣訓導

郝名馨

安學孔 任訓
導

霍翔雲

閻玳

榮命

吳成美 王之父萬歷貢
敕封監察御史

李祉 任廣靈
縣教諭

榮耀 拔
貢

劉鶴

李永與 任福州
府同知

閻養正 任襄陵
縣教諭

董九卿 按州志以
上皆歲貢

鄭僕 任介休
縣教諭

王家正 二人並歲貢
依州志補

聶處忠 補 按以上某為某貢不能盡知州志概作
任訓導張朗在夏縣教諭其
出身皆未詳姑附記於此

國朝李養直 順治二年任
解州學正

趙聯齊 順治九年任河
南上蔡縣知縣

閻峻 順治十
八年

閻承明 康熙四
十七年

石岫 雍正元年任
垣曲縣教諭

張肖良 乾隆
元年

邢樹楚 乾隆十
五年

李晶 乾隆十
七年

趙有光 乾隆二
十七年

張遇隆 乾隆三十
七年

鞏之彥 乾隆四
十五年

魏向中 乾隆五十
年詳鄉賢

魏承中 乾隆五
十年

鄭景儵 乾隆五
十年

李夢燕 嘉慶十
四年

高達上 嘉慶二
十五年

尹丕鉞 道光
二年

張廷選 道光十
三年

郭維屏 道光十
四年

張升秀 道光二十
六年詳孝義

劉飛 咸豐二年

趙日相 咸豐三年

劉訓陳 咸豐五年

史秉正 咸豐八年

董鑑古 咸豐十年

劉予琛 同治五年現任

温敬銘 同治十一年

樊桂林 同治十三年

聶蓉鏡 光緒四年

任南金 光緒八年

以上恩貢

魏國履 順治乙酉仕至湖廣德安府同知

祁繼昌 順治戊子候選州判

李廷麟 順治辛卯

孫世大 順治甲午雲南太和縣知縣

武丕新 康熙王子太原府學州志作太原府教授誤

邢雲翼 康熙丙寅

杜鵬翹 康熙丁丑

武雍 雍正癸卯

尹士傑 雍正戊申與縣教諭

弓名彤 雍正甲寅任建南平縣丞

劉纘先 乾隆辛酉任壺關縣教諭

郝允成 乾隆癸酉候選直隸州州判

霍殿鼇 乾隆乙酉歷任西陽州泗州江西甯

都州州判

邢韻士 乾隆丁酉以下補

弓佩紱 乾隆己酉

劉霽 嘉慶辛酉

鄭天寵 嘉慶癸酉

王迎瑞 道光乙酉

張鳳桐 道光丁酉任河南光山知縣

陳丕緒 道光己酉

張丕謨 咸豐辛酉

安平太 同治癸酉任工部主事

張師栻 光緒乙酉

以上拔貢

陳如蕃 咸豐甲午

高錦 雍正癸卯任福建沙平縣縣丞

陳如蕃 雍正己酉考教諭未仕

李曇 雍正壬子

蔡士融 乾隆甲子

馬昌齡 乾隆壬申

孟論秀 乾隆庚辰

弓佩綬 乾隆己酉
以下補

潘思爻 乾隆己酉

李蒲 乾隆己酉

潘思用 嘉慶辛酉
恩賜

吳井楡 嘉慶甲子
恩賜

魏開第 嘉慶癸酉
甯鄉縣訓導

鄭延祉 嘉慶己卯
侯選州判

侯秉壙 道光戊子

聶元鏞 道光癸卯

張會圖 咸豐壬子

祁友觀 咸豐戊午

郭紹華 咸豐辛酉

郭嚮鴻 光緒乙亥

蘇寅春 光緒己卯

傅履祥 光緒戊子

以上副貢

祁文汪 韻士父 雍正壬子 歷任陽城鳳臺朔州長治
甯武府教職 按壬子係雍正十年舊志作

乾隆十一年 誤以下補 趙彤雲 宗文子 嘉慶戊午
任汾州府訓導

祁世龔 韻士孫 嘉慶丙子 歷署臨縣臨
汾縣教諭 榮河長子 歷訓導

郭承緒 承應 嘉慶壬午 歷補正紅正黃旗漢教習
揀發河南潯縣縣丞 陞河工知縣 同知任山

東泉河 寺府 孟式猷 道光戊子

捕河 寺府 郝步蟾 道光丁酉

秦東來 祁友觀 咸豐戊午

以上優貢

孫士安 順治元年任江
西奉新縣知縣

張愈顯 順治三年

杜院 順治五年任
安邑縣訓導

郝杞 順治九年

舊志作
淮誤

王啟蒙 順治十五年

王纘祖 康熙元年

王丕顯 康熙十一年

趙之琮 康熙十三年

安宰 康熙十五年

武光文 康熙十八年
不新之父
康熙

係孟縣人壽陽籍明拔貢任
平山縣知縣此作歲貢疑誤

張統 順治七年任
至吉州學正

王樞 順治十一年任
南湯陰縣知縣
湯

安九鼎 順治十三年

李增 順治十七年
增州志作曾誤

郝士奇 康熙九年

高仙桂 康熙十三年

張燮猷 康熙十五年

安九州 康熙十七年

柳錦 康熙十九年
按州志及邑志鄉賢條錦

李暉 康熙二十一年
任孝義縣訓導

李應泰 康熙二十五年
汾西縣訓導未仕

劉文贊 康熙二十九年
正山陰縣訓導

龔志於例貢條
復列成棟名誤

亦列其名誤又州志例貢
條柳植作祁植疑亦誤

趙日偕 康熙三十三年

閻緒 康熙三十七年

白居易 康熙四十一年

杜平章 康熙四十五年

梁桂林 康熙四十九年

閻承恩 康熙三十三年

維璧 康熙三十七年

李成棟 康熙三十年
吳志任蒲縣訓導
按

柳讀 錦之孫康熙三十一年
按舊志例貢條

祁懋蘭 康熙三十一年

段麟 康熙三十五年

馬中健 康熙三十九年

馬呈瑞 康熙四十三年

祁雲龍 康熙四十七年

馬芳生 康熙五十一年

張宏士 康熙五
十三年

茲依祁氏
世譜改補

霍宮蟾 康熙五
十七年

趙重旦 康熙六
十一年

王新政 依州志補
年次無考

祁雲路 雍正四年任
偏關縣訓導

王嘉猷 雍正八年任大
同府學訓導

趙際泰 雍正十
二年

張繼良 乾隆
三年

王者師 乾隆七年任
鄉衛縣訓導

祁文錦 康熙五十三
年 接舊志入例貢條

馬獻瑞 康熙五
十五年

柳枏 錦之孫康熙五十九
年任大同府訓導

李講 康熙間任大同府
教授 據墓表補

趙汝為 雍正
二年

李龕 雍正
六年

喬繼緒 雍正十年任
興縣訓導

郭爰居 乾隆
元年

郝琿 乾隆五年選
霍州訓導

霍淑先 乾隆
九年

郭正誼 乾隆十
一年

趙驥 乾隆十
三年

閻藩晉 乾隆十
五年

李檜齡 乾隆十
七年

張錫琳 乾隆十
九年

劉琛 乾隆二十一年
任天鎮縣訓導

李維端 乾隆二十三年
任解州訓導

祁文祥 乾隆二
十五年

趙觀光 乾隆二
十七年

吳俊 乾隆二
十九年

潘瑛 乾隆三
十一年

李瑗 乾隆三
十三年

李東岳 乾隆三
十五年

張錫彤 乾隆三十七
年 以下補

石振緒 乾隆三
十九年

郭廷秀 乾隆四
十一年

劉璿 乾隆四
十三年

霍雪峯 乾隆四
十五年

孟碩彥 乾隆四
十七年

郭如雍 乾隆四十九
年 任代州訓導

卷之七 選舉

七

邢廷炳 乾隆五十年

郝致堂 乾隆五十二年

傅士第 乾隆十五年

郝攀桂 乾隆五十七年

弓劭 乾隆九年

郝叔成 嘉慶元年

郭容眾 嘉慶三年

趙宗蘇 嘉慶五年

趙慶峰 嘉慶七年

閻鵬超 嘉慶九年

劉立東 嘉慶十一年

安其元 嘉慶十三年任 汾西縣訓導

郝秀亭 嘉慶十五年

潘思書 嘉慶十七年

張永圖 嘉慶十九年

馬向儒 嘉慶二十一年

郝蒲書 嘉慶二十三年

張錦標 嘉慶二十四年

郝耀青 道光二年

張鶴翎 道光四年

王敷政 道光六年

孟生暉 道光八年

王濟川 道光十年

弓佩紉 道光十二年

韓建寅 道光十四年

冀乾 道光十六年

郭魏 道光十八年 詳孝義

鄭梅 道光二十年

陳善教 道光二十二年

劉敷命 道光二十四年

霍承家 道光二十六年

邢朝駿 道光二十八年

李培公 道光三十年

劉體元 咸豐二年

弓綱正 咸豐四年

傅良弼 咸豐六年任 臨縣訓導

鄭丕烈 咸豐八年

郝占鼇 咸豐十年

趙蘭如 同治元年

郭志謙 同治三年

吳毓芳 同治五年

張蕙垣 同治七年

安瑞圖 同治九年

弓沛霖 同治十一年

薛春湘 同治十三年

李荷霖 光緒二年

薛源彬 光緒四年

武克繩 光緒六年

鄭作新 光緒八年

趙懷璋 光緒十年

弓韜 光緒十二年

李夢筆 光緒十四年 以上歲貢

徵辟第四

宋高防 詳鄉賢

元馬士元 南康六都人由儒生授燕京監察御史入明

龔志云按元順帝至元元年詔罷科舉六年用承旨 雙屨言復行而得人亦鮮至正三年乃有徵處士之

典如董立李孝先輩皆以翰林待詔著作郎除 選考士元年代適與相合因標徵辟以別之

明王克己 詳鄉賢

國朝秦東來 同治二年由舉人徵授 知縣不就以下補

王植槐 光緒元年由優附生舉孝 歲方正考授直隸州州判

例仕第五

明趙思齊 洪武初任 湖廣縣丞

王克訓 克己弟任三原縣 尹上二人據明

倫堂題 名匾補

岳珂 正之子任 洪推知縣

聶純 詳鄉賢 依鄉賢條 補舊志列歲貢條誤 趙宗冕 安之子 任吏目

潘琰 任主簿 州 志作潘琦 王定

王廷輔 任照 磨 岳玉 崇之子

劉朝漢 任登州府知事

趙蕙 宗冕之子任同州同知

趙居義 任肥鄉縣丞

王廷臣 廷輔之弟任六安州吏目

李開京 任平涼王府典簿

張朝鳳

岳湜 王之春子任宜春縣丞

閻塘 任甯夏衛經歷

馮忠 任安肅縣丞

安士隆 任鄠縣主簿

閻鳳梧 任宜陽縣主簿

李冠 任廣平府照磨

安維翰 任儀封縣主簿

王綽

王統

邊朝衛

陳道隆 任陝西長安主簿

李時蕃

王訥 來聘之子

陳應龍

陳應鳳

陳應鵬

陳應麟

安宰 任黃州府經歷

王胤武 來聘之孫任清澗縣丞

王接武 任經歷

王謹 任東鹿縣丞 以上

王奮武 來聘孫任鴻臚寺序班

聶楫 由縣掾任陝西葭州府谷縣典史

傅 任江西撫州府臨川縣古儼司巡宰

王廷璋 桐城縣民

段廷用 吏員定州高經歷

年次未詳 又按明倫堂題名區明仕秩有白璧任御

史孫源 任陝西延安府通判 馬仲興 任縣丞 郝澗 任

蓋屋縣丞 王希禹 任陝西隴西縣主簿 郭添 任縣丞 郝澗 任

東日照知縣 段廷臣 任山東臨邑縣丞 武汝 任縣丞 吳堡 任

任馮文 費任正定府經歷 孫魁 任知縣 郝楠 任縣丞 吳堡 任

壽陽縣志

卷七 選舉

六

國朝潘爾璋按舊志此前有李成棟柳楨二人今並改入歲貢條

周翰林

張宏祚

王大觀按舊志此下有祁文錦今改入歲貢條

閻龍

趙書常以上年次未詳

張逢吉以下補

趙佩璧

張朝立雷州府經歷

劉兆鳳

張兆麟

喬秉懿

梁玉璽

王安泰

孟儲元以上乾隆間例貢

傅開世歷任雲南楚雄府江南鎮江府知事

趙漢遷營州同州

張朝觀監生乾隆間任福建盤陀司巡檢

張朝宗監生乾隆間任湖北江夏縣山陵司巡檢

祁茂藻增貢生署華陽縣縣丞簡州州判太平廳經歷

張雲雯監生在定府照磨 祁世舒監生任直隸交河縣典史

郝彭齡例貢任陝西耀州知州

任恆敬附貢署絳州學正

聶鳴梧廩貢署榆次興縣教諭

王廷芷增貢生署太原府教授平遙縣教諭

道光間

王居仁監生署陝西甯慶廳同知又署石泉

縣知

祁世佶以父宿藻蔭授貴州麻哈州知州

張鈞監生授貴州鎮遠府經歷

杜芬監生選浙江孝豐縣知縣以上並咸豐

問

閻熙業監生任工部主事

任慶三監生現署直隸正定府同知

閻希憲廩貢生歷任五台河曲教職

劉守先 廩貢任祁縣教諭 遠嵩年 廩貢生現任 忻州訓導

武科第六 附 武秩

明趙禔 永樂間任玉林衛左所副千戶 據明倫堂題名匾補出身未詳

宋廷善 隆慶庚午科 宋廷喜 萬曆丙子科

趙鳳城 甲午科任 本邑練總 安宇 萬曆間在京營左所正千戶

董九邊 萬曆戊戌科進士任 代州守備鄉試無考

閻國相 崇正癸酉科 據州志補 劉聞遠 崇正己卯科 據明倫堂題名匾補

府志作 文遠 李九鼎 崇正間舉人任 據州志

補科分未詳 又明倫堂題名匾武舉 有郝名揚見崇正十五年鳳凰山碑

柳鉉 見孟志明舉人科分未詳 按明倫堂題名匾 有岳璞任平定守禦所千戶 陞錦衣衛千戶 陳

江任萬泉 左衛千戶

國朝馬呈圖 順治戊子科

馬浩 順治辛卯科

張士驥 順治甲午科

劉文輝 順治丁酉科 舊志及州志皆作甲

午誤茲依 家乘改正

冀成美 順治丁酉科 舊志及州志作辛酉

誤考順治 間無辛酉

鄭涵瀄 順治庚子科 據明倫堂題名匾補

又題名匾有武天成任臨洛尉 康親 問任廣東連陽營參將科第未詳

段承緒 乾隆戊辰科進士任 山西提塘鄉試失載

段閔中 乾隆庚午科 候選衛千總

陳隆泰 乾隆壬申 恩科 任山東濮州所運

糧千 總

段壯 乾隆庚辰 恩科 任江南大河衛運糧千

總

郭壯 乾隆乙酉科

武學員

乾隆庚寅恩科

孟壯猷

乾隆甲午科以下補

鈕映垣

乾隆丙午科任左營千總

傅展恩

乾隆甲戌恩科

張育成

乾隆乙卯科任東昌衛平山前幫協運千總

張峻山

嘉慶丁卯科任江蘇宿州衛運糧千總

張岱山

嘉慶辛酉科

張秀山

一名逢元由武生任江蘇江淮衛領

運千總

林霞蔚

道光壬午科

武從先

道光壬辰恩科

王凝光

道光庚子科

王兆清

道光己酉科

聶子義

武彥生例授武翼都尉游擊

吳學騫

由武生入伍現任澤川營把總

張萬銑

咸豐辛酉科

蔡獻瀛

同治壬戌恩科任偏關千總

李椿壽

同治庚午科武舉辛未進士欽點衛守備

孟日成

同治癸酉科

劉道直

光緒己卯科

封贈第七

明

誥封通議大夫吳師伊

玉祖父

誥封河南督糧道監察御史吳成美

玉父

國朝

誥贈朝議大夫直隸永平府知府弓成桂

養正祖父

誥贈朝議大夫直隸永平府知府弓鼐

養正父

贈贈武信郎段光祚

閔中祖父

誥贈武信郎段禧 閩中父

贈文林郎雲南臨安府通海縣知縣孫隆祚 峻德父

勅贈文林郎雲南臨安府通海縣知縣孫必會 峻德父

誥贈朝議大夫祁雲瑞 寓藻曾祖父

誥贈朝議大夫祁文汪 寓藻祖父

誥贈光祿大夫祁韻士 寓藻父

贈封修職郎石本立 岫父

誥贈奉政大夫趙廷佐 宗文父

誥封奉政大夫李如跂 仙蟠父

贈贈修職郎山西大同府渾源州學正馬中健 凝瑞父

勅封文林郎山西河東鹽運使教授馬宏業 慶餘父

贈贈昭武都尉武維周 學員祖父

誥贈昭武都尉武守義 學員父

誥封武略騎尉安徽長淮衛領運千總張守成 峻山父

誥封武略騎尉安徽長淮衛領運千總張壽山 峻山胞兄

贈贈武毅都尉聶品正 子義祖

贈贈武毅都尉聶佩芝 子義父

贈贈修職郎遂光斗 映堂父

誥封奉政大夫劉企奮 翼之父

贈封奉政大夫劉景蚤 翼之本生父

誥贈朝議大夫閻興悠

汝弼祖父

誥贈朝議大夫閻宗道

汝弼父

贈奉政大夫閻宗德

汝弼胞伯父

贈奉政大夫閻宗憲

汝弼胞叔父

贈贈朝議大夫閻宗明

汝弼堂伯父

贈封奉直大夫閻汝梅

汝弼胞兄

贈封奉直大夫張生楷

汝弼外祖父

勅贈修職郎劉志惇

守先父

誥封奉直大夫任永樸

明哲父

贈封奉直大夫任永興

明哲胞伯父

贈贈奉直大夫安書孝

平太祖父

誥贈中憲大夫安則文

平太父

贈封中憲大夫安則恭

平太胞叔父

贈封奉政大夫安吉第

平太胞叔父

贈贈修職郎溫豫泰

晉昌父

例贈奉直大夫張全明

鑑衡祖父

例贈奉直大夫張曜垣

鑑衡父

例贈奉直大夫張殿魁

汝霖祖父

例贈奉直大夫張鑑南

汝霖父

例贈通奉大夫趙琬

例贈通奉大夫趙洪智

例封通奉大夫趙彩煥

例馳贈朝議大夫趙洪鶴

例贈朝議大夫趙英煥

例贈宣武都尉張廷桂

例贈武翼都尉張廷魁

例贈奉直大夫張廷槐

例贈儒林郎聶子敬

例贈儒林郎聶凌霄

例封儒林郎闔汝成

例贈登仕佐郎王廷梧

例贈徵仕郎王寶益

例馳贈奉直大夫王秉忠

植槐祖父

例封奉直大夫王琳基

植槐父

例馳贈儒林郎闔鴻飛

例贈儒林郎闔承祚

例贈儒林郎闔聯祚

例贈儒林郎闔昌祚

例贈宣武都尉郝德玉

例贈儒林郎郝德寶

例贈儒林郎孫恕

例贈儒林郎孫景峰

例贈宣武都尉任忠懷

例贈儒林郎任秉謙

例封宣武都尉郭燦然

例贈武德佐騎尉郭安然

例贈徵仕郎郝鵬里

例贈儒林郎郝朝駿

例贈儒林郎袁復成

例贈登仕佐郎賀永豐

例贈儒林郎王尊德

以上三十六人並光緒四年捐廉

恩獎 按自修受川督院歷
屆捐輸皆有獎敘統計多至數百礙難備列故
概從省如因議敘而得有封贈者則備錄焉

壽陽縣志卷之八

人物志上

鄉賢第一

宋

高防字修己其先世世爲將父從慶戍天井關與梁軍
戰死防事母孝好學善爲詩張從恩奏攝太原府倉曹
掾表澶州判官親校段洪進盜官木給曰判官使爲之
從恩詰防防卽引伏洪進得免終不自明旣而命騎追
還賓主如初人稱言防自誣以活人從恩益加禮重入
爲國子監丞從恩又辟西京推官召拜殿中丞充鹽鐵

推官母服除隨從恩歷鄆晉路三鎮判官晉王北行防
請固守臣節從恩不能用命副使趙行遷知留後王守
恩爲巡檢與防同領郡事防與守恩謀誅行遷以城歸
漢祖加檢校金部郎中乾祐初授屯田員外郎改授儀
令以與楊邠有隙免周初起爲刑部員外郎改開封令
遷府少尹除刑部郎中宿州民以刃殺妻妻族受賄僞
言風狂病瘖防請再劾卒寘於法世宗尹京簡求僚佐
宰相以防薦周祖曰朕方欲用之命爲判官世宗拜左
諫議大夫賜金紫鞍勒馬顯德二年遷給事中從征淮
南權知秦州事兼判海陵監事會吳師至遷州民入牙

城分兵固守以俟外援遂與韓令坤敗之詔嘉獎二年
改左散騎常侍召歸歷知蔡宋二州再從南征知泗州
事復知蔡州五年遷戶部侍郎爲西南面水陸轉運制
置使屢發芻糧赴鳳州爲征討備宋征李筠爲潞州東
北路計度轉運使拜尚書左丞賜銀器綵帛鞍勒馬建
隆二年出知秦州齊之以刑舊俗稍革州西北夕陽鎮
多大木議建採造務闢地數百里築堡要地自渭而北
夏人有之自渭而南秦州有之夏部尙波于等涉渭奪
木筏出戰俘四十七人以獻代歸爲樞密直學士知鳳
翔乾德元年卒年五十九上甚悼惜賜其子太府寺丞

延緒詔曰爾父有幹蠱之才懷匪躬之節朕所毗倚茲淪亡間之盡傷不能自己矧素尚清白諒無餘資殮殮所需特宜優恤遣供奉官陳彥珣部署歸葬西洛祀鄉賢祠州志野乘云防罷浚儀令夢一吏以白帕裹印自門入授防防寤而思曰白主刑吾當爲主刑官乎俄而高祖起爲刑部員外郎使齋印至一如夢中所覩

王克己性至孝母喪廬於墓側值元末兵亂鄉人皆驚走克己獨號泣守墓不去兵至感其孝不忍加害洪武七年以文學孝行辟除戶部主事尋陞吏部尙書甄拔咸得其最尤以清介取重後乞歸田里家無餘儲卒祀

鄉賢祠元史孝友傳王克己延安中部人父伯通破克己負土築墳廬於墓前貌高縱兵暴掠縣民皆逃克己獨守墓不去家人呼之克己曰吾誓守墓三年以報吾親雖死不可棄也俄而兵至見其身衣襤絀形容憔悴曰此孝子也遂不忍害竟終喪而歸按據事實與志略同其謂爲延安中部人未知何據

吳岐洪武初由監生擢交趾道監察御史莅任嚴肅有激揚風嘗應詔入對陳奏必關治道每爲太祖稱賞致仕卒於家

賈琮幼好學博極羣書永樂癸卯舉於鄉授後軍都督府經歷從英宗北征歿於陣賜誥命加贈奉直大夫協正庶尹祀鄉賢祠

王敦正統辛酉舉於鄉除邵陽訓導以濂洛之學迪諸

生士習爲之變尋擢中牟令清苦如布衣每澆水必投錢曰不侵中牟一勺水也暨歸民遮道泣留爲立生祠

卒祀鄉賢祠

按吳志王敦穎異好學研精經史至忘寢食雖隆冬盛暑不輟又云時當道榜獎有

魯恭三異垂青史王敦一廉達紫宸之語

趙敬景泰癸酉登賢書成化間除陝西平涼縣知縣性鯁直遇淫祠輒毀之治行爲一時所仰卒祀鄉賢祠

趙文彬成化間由監生歷知河南新安縣端方正直解任之日民皆扳轅泣送陞南直徐州府同知剛果不屈政清民服卒於官

閻邦重中宏治辛酉亞元授浙江鹽運司判以廉慎自矢時有淹獄累者甚眾邦重署篆立爲理之俱得全活後擢兩淮運副武宗南狩中官橫恣縉紳皆帖息願承邦重毅然不屈凡郡邑有訟於監司咸乞邦重辨明轉鳳翔府同知致政歸以餘俸悉散族屬卒祀鄉賢祠

按傳

甯墓表作辛酉進士

聶純字文粹別號石巖幼讀書不事章句爲文豪邁薄其意氣祖庠生珪父廩生志整俱早卒純事祖母及母以孝聞未冠遊邑庠襟期磊落有古人風度尤好讀史於忠邪不平處輒掩卷浩歎曰吾他日得志必不若某某之所爲也後有司舉入胄監文名益盛感與邑人閻璽

李濟等並薦正德間授陝西延川縣令南下重除汚弊
弊不驗月而頌聲載路延川僻處西陲素無科第鄉
捐廉俸修書院延名儒以訓迪之是後秋闈乃有獲
者居三載刑清政簡庭無訟冤事已而告歸百姓遮道
挽留旬日乃得脫及抵家敝車羸馬行李蕭然晚年遊
遊山水以詩酒自娛壽八十餘卒遺命薄葬勿作佛事
邑人閭閻爲表其墓

舊志此條略甚
茲據墓碑補纂

李濟正德庚午舉於鄉授太倉訓導再補任邛一時名
俊多出其門乙卯中州聘典鄉闈以得人陟國子學正
革餽遺勤程課大司成擬上考陞鳳翔府判興廢補滯

完通學謙好遜佐政甚有聲後以老告歸百姓泣送者
幾百人行李蕭然歷官二十餘年不置田產寒素如未
仕時卒祀鄉賢祠

賈侃四歲失父母陳氏守志載列女志及長中正德癸
酉經魁授安陽知縣治聲大著不畏權要請託不行改
宜陽清節益勵邑多鑛賊爲害捕平之以母老告歸遂
不復仕及臨歿大書忠君孝親隆師睦族八字爲遺訓
家_家有餘饒時時以周恤親族卒祀鄉賢祠

下寶別字東峯未成童卽補邑學廩膳生以選貢出宰
甯晉大學士郭東墅侍御蔡汝濱爲之勒石以紀政績

時有勢豪請屬不遂排於上官人或以順承勸之寶
然曰如此尚可仕乎遂上書求歸有士修於家不可
於苞苴請託之語上官謝之爲政三年吏畏民懷境內
大治未幾以親老乞歸遂不復仕晚年日與故舊二三
人觴咏時謂其有兩疏風卒祀鄉賢祠

李玠孝友純篤博學能文歷任靜海輝縣海州衛德平
王府教授卒祀孝弟祠

王來聘少孤孝事孀母好讀書卓犖不羣中嘉靖戊午
舉人隆慶辛未進士授行人司尋遷禮部主政經術閎
深未竟其用而卒祀鄉賢祠

王月辰先姓陳名震字潛浦號起吾萬歷己卯科領鄉
薦癸未成進士上章復姓易陳而王名月辰嘗令諸城
改襄城有惠政活萬餘人歷官兵部觀政大理寺評事
南京戶部浙江司郎中河南布政司參議遇事倡論不
阿潞國及礦使皆憚之

王嘉言月辰子字獻明萬歷丁酉科領鄉薦己未成進
士歷官大理寺觀政行人司行人戶部廣東司主事陝
西西安府知府爲人真樸橄簡非近代所易有崇正十
七年李自成之亂歿於秦

上二人據舊志選舉條
及太原府人物志補

李肅濟之孫貢生歷任甯武河津訓導氣度溫醇力學

好古邑之稱仕宦清白者必推濟而尤能不愧其祖
張辨貢生安貧好學以易教授生徒出其門者甚眾晚
就黎城訓導

吳玉宇之璋別字崑峯家貧力學中天啟辛酉舉人壬
戌進士爲博野令尋調蠡縣釐奸革弊政聲大著徵卓
異投廣西道監察御史玉爲人平居坦率曠夷若漫無
短長可否者及遇事義所當爲毅然獨往以是臺中目
爲蕙直敬而憚之思宗卽位誅魏璫詔開言路玉應詔
慷慨陳奏首責廷臣以洗心滌慮恪圖職業上嘉納卽
以玉疏示中外又勅輔臣劉鴻訓納賄擅增敕書詔對

文華敢抗詞不少屈上歎曰真鐵面御史也玉感時遇
主知無不言類皆曉暢剴切洞悉利害直聲震天下丁
父憂歸一時公私過者咸懾服曰壽陽今臥一虎矣然
亦由此爲時所忌服闋數年不起用崇正末忌者思有
以中之乃外遷爲河南參議專督糧儲時中州盜賊充斥
數百里幾無人煙而餽餉紛沓羽檄催徵旁午於道
玉知時不可復爲扼腕憤恚而卒祀鄉賢祠有奏疏稿
十篇知縣金門詔爲之敘奏疏稿邑人祁篤藻校刊行世板存受川書院

高川久字仲德超之次子少有至性植行端方年十六
爲邑庠生旋食餼以歲所得廩俸易書後以歲貢生任

考城訓導勸於謙士聽講者遠近畢赴遷陵川教諭是年子丹桂領鄉薦於是年歸里杜門之志已而進太僕府教授謝職不赴抵家後日挂杖頭錢數十文以詩酒自娛推所有財產均之弟凡族屬之貧者爲之畢婚嫁子弟之秀者廩給之多所成就及卒京山王應翼表其墓生平著述有詩文若干卷修綆錄若干卷并手刊篆書藏於家

舊志入國朝誤

柳錦字素我一先子壽陽籍家於孟崇正閒由拔貢在直隸平山知縣釐奸剔弊有政聲民有與布倦臥柳下者醒而亡其布訴於錦錦曰緝匪以踪爾臥於道而亡

布知爾真僞民哭訴非妄且言非此則台室無生理錦

曰若然則當問於柳遂飭伐柳置對觀者闕盜錮命閉

門盡籍以來責之曰爾等皆游手惰民罪應笞衆號錦

曰姑各罰布一匹不繳荷校於是布價騰貴屆期得布

數百匹乃命亡布者簡閱之而所亡者闕入焉因布索

人因人索盜立得數百人呼神君各攜布去闖寇據太

原拘紳士勒餉多畏懼號泣錦獨瞋目罵賊賊猶冀其

傾囊也不加害後得釋不出戶庭十餘年卒

參考孟縣志補纂按

錦有罵闖賊事確係明人舊志選舉條作

康熙十九年歲貢此條入國朝並誤

傅希聖字學孔體貌魁梧賦性剛直嘉靖閒以貢生在

廣平府曲周縣訓導獎勵檄帖歲三四下又以孝弟忠信禮義廉恥演爲俚語刊以勸士一時奉若著蔡有傳蒼學賙貧若斯之類不可勝數嘗權縣事甫三月吏畏民懷有循良稱以考最陞陝西行都司山丹衛教授衆羨爲大用之兆希聖云貪官貪利也利可貪乎卽告歸以田畝終焉

補按舊志選舉條作任徽州訓導

閩國相字良臣別號柏冠道人少時博覽古今極留意孫吳善射中崇正癸酉武舉赴京闈不第遂不出事親孝生事死葬人無閒言持身方正無片語誑詭家故饒貸粟者常數十百石遇饑不能償良臣悉焚其券遠近

義之後至老食貧宴如也師事郭還陽受易有得後更平易近人至義氣所形亦復孤耿峭直不少阿曲高念劬丹桂者比鄰也遷淮陽兵備道便道經梓里鄉人肅迎良臣弗與念劬謁之曰國家當用人時君何憂不貴顯良臣微笑不答念劬指中庭穉柳曰此樹猗儺可愛良臣曰此樹誠宜人然根株亦易拔遂抽佩刀立伐之念劬失色孫光閻亦有孝行博學能詩文爲一時聞人

據李秉銓研露居文集及劉霽仙儒外紀補

國朝

高丹桂字元香一字又廓因父母相繼歿乃別字念劬

以明崇正庚午舉人中順治丙戌進士授工部虞衡主
事尋遷員外郎歷督寶源街道諸務弊多釐剔己丑同
考會試得盧鉉等二十二人皆海內名士遷營繕司郎
中期年奏最授江南按察司僉事整飭淮陽海防兵備
道後假歸省墓忽遇疾卒於家時年四十有七有詩集
文集若干卷藏於家順治庚寅崇祀鄉賢祠

柳法瀚字清兮錦子郡庠生少孤事母孝從兄某豐於
財病危委任家計法瀚以越次辭兄泣曰人非忠信素
著不可以託孤也不獲已諾之秉公持正羣從無敢覬
覷孤子入泮授室乃反璧子相歲貢生授大同訓導敦

禮重義教諸生以身先相子三長奎光字東壁增廣生
性孝友父司鐸時病痰延醫選藥不脫冠帶者半載父
歿繼母年猶少奎光供子職歷五十年無懈仲星光庠
生撫從重姪有成立如法瀚然季璧光字連城少孤事
母至孝從塾歸卽侍母側承顏笑壯而不倦後以廩貢
授右玉訓導會甯遠開荒地募民耕上游委璧光經理
授地均平遠近安之卒於官

據孟縣志補纂

李瑜字象賢父養才補邑庠生早卒瑜方八歲弟增五
歲斌尚在母腹也母閻氏勵節撫孤載烈女傳家益貧
瑜感憤力學試輒第一弟增暨斌皆親教之故文學俱

與瑜相亞崇正丙子學使袁公繼咸賞其末拔貢太學
本朝順治初有司承例將以送銓瑜念母老不出比
母卒服闋授浙江嘉善令是時

世祖皇帝重守

令守令將之任必陞辭

上臨軒諭遣見瑜丰采

獨異同列特

召至

御前眷注者久之既

出同列悉賀以爲且大用夕就邸忽遘疾越宿卒

按明貢生

條有李倫而無李瑜
目云任訓導疑皆誤

陳肖祁康熙乙酉舉人雍正七年以知縣試用至浙歷
署新城浦江黃巖諸縣事所至有聲在黃巖值歲歉捐
俸倡賑全活無算民德之補於潛令興利除弊不愧古

循吏以課最擢甯波同知未赴任因病乞歸囊無一錢

以下
補

趙宏化字亮弼髫齡入泮順治丁酉領鄉薦戊戌成進
士康熙六年選順天密雲知縣地邇京師旗兵恃功豪
猾逢宏化出行不下馬宏化笞之其首且至堂謾罵復
笞之卽詣上憲交印憲以聞於

上賜鞭二然後

旗兵不敢犯而民以安壬子充同考官得韓莢裘充美
諸名士初韓因誣誤不試於場屋者十餘年壬子北闈
卷分某房不見錄宏化偶得其卷驚歎以爲近世罕有
借而薦之主司欣賞列前茅後會試殿試皆第一官至

禮部尙書裘中丙戌進士官至廣東鹽院宏化在雲
多惠政密人爲立生祠再任江南如皋知縣卒於官後
韓奉 命撫陝道經壽陽訪其家謁遺像而贊之
云千載音容和風甘雨兩邑歌詩小棠嘉樹冬日可愛
瑤琴獨撫百口奚恤一介不取嗚呼挹此清風兮羞世
道之如賈廉吏其可爲兮如北門之終窶茫茫百端之
交集兮旅魂招而曷舉哭先生之像知先生之心兮銜
石闕而不語

祁文瀚號北溟康熙戊子科舉人癸巳

恩科進

士筮仕江南來安縣庚子充同考官所拔皆一時知名

士以憂去服闋補任江陰吏民日出境候不至忽單騎
憩東郊之文昌祠越宿始知其爲新令也皆大驚數月
簡靜無爲黠者稍稍狡縱乃密訪數人庭詰皆服法無
敢犯者時小民輕生以小忿投繯赴水者不可勝數文
瀚委曲曉諭俗以一變又命案告訐一相驗家立破文
瀚廉知其弊報聞飛騎往里巷帖然會浹旬不雨作疏
爲民告籲易服宿齋宮越三日大雨盈尺歲則大熟文
瀚仁心爲質每出一諭若吐肝膈去官後邑人彙刊之
顏曰化民錄學憲東昌鄧公爲之序比諸陸當湖之令

靈壽焉

錄江陰縣志名宦傳

馬凝瑞字錫五歲貢中健季子也康熙辛卯登賢書授廣西北流縣知縣兼理秦溪縣事其地素稱難治下車後以誠信爲先不數月而獠夷帖服政聲大著後以親老改就襄陵訓導日坐講堂辨論經史諸生受業者林立嘗曰長令以道治人學官以道教人均期不負所學而已秩未滿以丁母艱去官後任和順訓導其教誨之勤倍於襄陵學居十二年陞渾源州學正時乾隆戊辰歲也壽八十有一

弓鼎養正之父邑庠增生家貧力學布衣蔬食裕如也嘗言讀書人須能安貧方可於此道中間津竈內有燒得鍋內有煮得便可度日人奉以爲名言

武天成字岐山性倜儻不羈少負大志不事家人產仗劍以遊四方初仕爲臨洺尉再歲不獲遷奮然曰吾安能鬱鬱久居此乎值康熙閒滇閩之變 朝廷有事征伐遂棄職而南從事行伍膚功屢奏授連陽營參府逆藩爲亂以刀加頸而不屈在官之日兵畏其威民懷其德乃以抗直不善事上官遭飛語以落職旋里後優游田園以終餘年焉

趙宗文字漢章號菘園乾隆甲午舉人丁未大挑一等歷署湖南桂陽邵陽華容新田知縣華容邊隸洞庭湖

湖中大盜董舒勤等爲民患宗文拿獲悉治以法王子
秋補衡州酃縣知縣酃俗不知耕讀宗文下車親課農
桑教樹畜捐俸增書院膏火仿朱子白鹿洞學規嚴立
課程士子始淳然向學酃之民爲立生祠焉丁卯二月
永綏廳苗匪滋事宗文奉檄督理船溪馬底二站賠累
已多旋又調赴鎮筵大營轄夫役多至八千人皆屯城
外苦無棲止處宗文乃出己貲結茅爲屋十人一棚又
環築牆堡牆外爲深塹以防外侮每夜巡視數次衣不
解帶者年餘嘉慶丙辰冬調赴辰州總局夫役遮道泣
留丁巳姜大中丞晟以勞績奏加知州銜調補靖州綏
甯知縣綏甯爲苗疆要缺民更多頑梗宗文先爲述農
說墾水田物土宜而無不示之利繼捐奉修書院增膏
火購書數萬卷貯之不時親往講解更令多立義學風
氣丕變庚申久旱宗文設壇步禱日三詣往返烈日中
雨降而宗文疾作民爲之奔禱各神有夢宗文羽葆儀
蓋赴善化縣城隍者而宗文遂歿民皆巷哭祀崇甯書
院宗文在酃作訓俗編在綏作蔣竹編皆民生日用切
要之論邑人祁篤藻曾題跋焉祀忠義祠

弓養正字培甫乾隆壬申舉人任太原府清源鄉教諭
丁丑成進士受知於劉文正公銓河南內黃知縣縣有

漕務刁徒往往滋事養正到任政肅弊清不數月以拿獲大盜引見回任候陞適東省逆匪跳梁興縣

境密邇養正聞信度內黃必駐兵急令書役買豆二千餘石草數千萬劬牛二百餘頭炒乾糧數十餘筈既而直省文武大吏帶兵進剿會於內黃一切軍需皆立辦又能隨事彈壓民皆安堵若不知有兵者越二年遷知信陽州地當孔道辦差安速未嘗濫應民賴以不擾特擢直隸永平府知府正己率屬後與通永道某互揭經部議獲直但以忤權相和珅之黨遂落職家居十餘年奉母常如孺子時教子佩紱成進士補陝西宜君知縣迎養於署年七十五卒當其官內黃信陽也政聲赫然善理冤獄民間號爲白面包公在永平尤能以清廉正直上達主知蓋庶幾古之所謂循良矣

祁韻士文汪子字鶴皋乾隆丁酉舉人戊戌進士由翰林院編修右中允改官戶部升郎中自幼喜治史於疆域山川形勝古人爵里姓氏靡不究心在史館奉

旨創立蒙古王公表傳嘉慶間以寶泉局監督任內銅案事被逮戍伊犁爲將軍松文清公纂輯西陲總統事略十二卷撮其要爲西陲要略四卷西域釋地二卷蓋公學自乙部入窮源溯流蒼萃貫串能摩其鉅實經

世可施用性介直不逐時爲俯仰遂見抑於權要而師友皆名儒偉公一時大臣服公才識斷大事必咨之又撰皇朝藩部要略曰內札薩克曰外札薩克曰額魯特曰回部曰西藏凡十八卷又著有萬里行程記己庚編書史輯要珥筆集及文詩集若干卷愛方山松泉之勝晚年自號訪山有訪山隨筆行於世

魏向中性耿介寡色笑不肖隨俗浮沈讀書不治章句作文不循時尚秋闈七薦不售遂淡於名場焉設帳榆城古柏臺十餘年教人以倫常道德爲先務一時博魏科稱名宿者半出其門後以恩貢生任山東嶧縣縣丞晚年致仕歸常以聖諭十八條爲鄉人講說故

其時婦女亦知尊君敬長云

邢窩藻韻士子字叔穎號春圃又號寶甫幼而穎異讀書過目不忘十五歲補弟子員新城陳鍾谿先生器重之十八歲領嘉慶庚午科鄉薦甲戌捷南宮改庶常授職編修道光閒累官至體仁閣大學士軍機大臣初父以寶泉局銅案事被逮公隨侍獄中多方慰藉親賴以安母劉氏性最嚴延師課讀督責備至偶一懈怠輒加箠楚而公奉命惟謹未嘗稍失母歡由翰林至內閣無異爲孺子時道光癸未視學湖南裁革新生紅卷陋規

奏復童生覆試黎明入場之例以杜流弊科考併裁選拔優生卷費暫儀湖人至今德之丁酉視學江蘇學奉

諭旨嚴禁鴉片煙撰新樂府三章刊示各處又

重刊宋本說文繫傳並刊朱子小學恭書

聖諭

廣訓竝

欽定黜異端以崇正學四言韻文重修

常州試院考棚文教一新咸豐閒髮捻滋擾度支匱乏拮据籌畫以給軍餼不忍巧取以累民議論與言利之臣多不合因而謗譏繁興賴

聖主素鑒其忠卒

能保全始終以大學士致仕其忠言讜論類皆造邾敷陳不肯輕洩外人固不得而盡知也同治元年蒙

皇太后特旨起用以大學士銜補授禮部尙書在

弘德殿授

皇帝讀每有講說閭閻惻惻出

於至誠時

皇帝方讀大學具疏反復推明爲君

止仁一語進呈朱子小學及陳宏謨大學衍義輯要杜詔讀史要略等書又屢陳時務保薦賢才復疏陳弭盜安民必須循吏請分別表彰錄用病中得句云病人豈忘憂世念夢中還有薦賢心公生平心事於此概可見矣薨年七十有四時同治五年九月十二日也生蒙

諭旨皆有忠清諒直之褒薨晉贈太保諡文端入

祀賢良祠所著有履齋亭詩集馬首農言勤學齋筆記

行於世書法爲一時最人共寶之至廉俸所餘輒以贖族戚交遊人之待以舉火者常數十家則又有范文正之遺風焉

祁寯藻字幼章雋藻弟也道光乙酉舉人初爲洪洞書院山長值趙城曹逆滋事密運洪邑人情兇懼縣令不知所爲公甫到卽招募城中紳衿十人令各再舉十人傳集城內居民按戶編兵城上編搭席棚挂燈籠各執器械登城防守比天明賊到見有備不敢攻公又勸死士下城逐之賊乃潰遁倉猝之際洪邑得以保全皆其力也戊戌成進士授職檢討歷守湖北黃州武昌等府皆有惠政擢廣東按察使有軍功 皇上手書武

昭七德四字以旌之咸豐二年任江甯布政使時粵匪竄擾湖北兩江總督陸馳赴上游九江一帶防堵遇賊一戰失利卽退回金陵沿途撤防以致賊衆順流直逼省城事具將軍祥厚等參摺中方制軍之出師也藩庫存帑搜括無遺竝將部撥守城銀三十萬盡數提至軍營公焦急萬狀惟以忠義激發士民謂富者不惜財貧者不惜力則賊不難破也乃請中丞咨借兩織造龍江上海各關銀竝揚州鹽務近屬地丁各款以應守城急需晝夜部署寢食俱廢而事煩心瘁繼以憤鬱遂得歐

血疾及賊至城外猶登陴躡望樓諳諭各兵以鎗礮及賊乃發發輒斃賊忽歐血數升自城上昇歸遂不起臨終大呼以力不從心不能殺賊爲恨

上聞震悼

詔贈右都御史謚文節蔭子世信知州同治四年兩江總督曾文正公奏請附祀江甯將軍祥厚祠以昭忠烈

特旨允之

孟式猷字孜甫號景元性沈毅入稟庭訓出就外傳於聖賢經傳研精覃思不遺餘力而文體一底於樸茂渾堅道光戊子以優行貢成均赴選入都其篤學純行祁相國篤藻田中丞嵩年雅重之晚歲家居手不釋卷惟以守禮奉法敦勸後進至今論植品績學者輒舉以爲楷模云

解崙字河源道光辛己

恩科舉於鄉博極羣書

歷主榆次受川兩書院講席誘掖後進善爲解說性耿介不可干以私居受川書院十餘年公事一無所預學問人品嘗見許於祁文端公咸豐壬子延鄉飲大賓同治開銓遼州學正學使張公家驥按臨考試教職見崙年幾八十而文藝高古楷法整齊知爲夙學倍優禮焉卸任後二年卒於家所著有四書文義五經補注史論摘要子史便讀等書俱家藏待梓

傅乾元字健行號蓮峯稟資警敏博極羣書行文多奇
氣道光壬午領鄉薦甲辰大挑一等歷署陝西洵陽咸
陽洋縣清澗等縣事加同知銜借補商州龍駒寨州同
未竟所施而卒洵陽僻處萬山中土瘠民貧類不知學
乾元甫下車卽捐廉補修書院延明師以化導之洋縣
輸餉銀一兩加耗多至四錢六分乾元莅任之明年廉
知其弊減去私派銀三錢二分統計所減銀幾數千兩
是歲大雨雹禾盡損者四十二村十二壩乾元稟請開
倉賑濟全活甚衆士民頌德有長聯云沐洪庥者十八
月有猷有爲有守福星輝一路盛德如公靈秀自應鍾
翼北裁弊政於百千年曰勤曰慎曰清生佛頌羣黎愛
民若子恩膏久已被中南龍駒寨離州城百里民間小
爭舊例州同可代平之若命盜等案則轉詳州或令其
人自詣控焉乾元莅任未幾倏聞鳴冤聲遣吏視之無
所見曰夕稅局鄭某遣价來署所言亦同乾元憶兩處
所聞無異必有負奇屈而莫伸者命吏訪之有張某樵
採於山爲人斃命其家以去州遠乏資斧將粗殮而欲
厝者卽趣役捕之役以舊例辭乾元曰余旣官茲土民
含冤吾當伸之豈可拘守陋規任凶人逋逃乎役畏責
漫應之以去出東關約三十里見有敝衣曳屨往復山

谷中者而形色亦極恍惚心疑之囑以嚴詞盡得戕摧狀於是縛束來寨一訊而服人稱神君焉乾元之未仕也家居硯食門下多知名士時秦紫函徵君甫十二歲貧不能讀一見卽識爲偉器收之入學且代備食僕紙筆等事卒成名儒其知人之哲成人之仁又可概見云榮褒字子善一字亦淵世居壽陽之榮谷誠謹苦讀中道光乙未恩科舉人甲辰大挑一等署直隸隆

平知縣創修沃川書院署阜城重修琴臺書院皆以振興文教爲己任阜城爲畿南衝途驛徵馬草向額四十萬嘉慶間增至七十萬褒以咸豐六年攝篆當兵燹之

餘民力不堪書吏又復舞弊凡所謂疲戶乃上戶而用以中飽者所謂上戶乃疲戶而用供筭比者褒惻然傷之卽爲裁其浮額向收草用無星稱褒改定其式吏胥不得上下其手凡所以甦疾苦者皆類是邑人頌其功德嘗獻楹聯云柳柳州名冠八家文章千古經濟千古嗣厥後問誰化普絃歌復見薰風時阜榮榮谷政敷三月教育萬民惠慈萬民繼自今俾我歡騰鼓忭咸瞻膏雨滿城監司廉知其賢借補藩庫大使未及任而卒褒之未仕也嘗硯食他鄉父性豁達有車裘共友之風常罄其館之所入褒毫無怨意事繼母如所生弟襄從之

學友愛備至教戒之下每繼以泣卒食廩餼例貢成均
所謂能爲孝子然後能爲循吏者於此益信

郝步蟾字香一號炳林道光丁酉優貢甲辰

恩

科舉人性簡靜亦復慷慨家居以孝友聞談古論文善
推理趣書法神似鍾王生平淡於仕進受琴理算法於
邑侯鍾汪杰獨得其妙年五十六因侍母疾積勞受風
母卒十餘日亦卒遺囑以一琴殉葬

秦東來字旭堂一字紫函晚號蝠南居士生而穎異八
九歲卽能吟咏讀書展卷成誦識解異常人以神童目
之十六歲入庠試輒冠軍時縣令鍾汪杰爲當代名儒

延之教讀東來處賓師而兼受業學問益造其大二十
五歲以優行貢成均汪學使振基待以國士越二年領
鄉薦禮闈一試因親老遂不復出性渾厚無疾言適色
尤篤於孝友事親務得歡心親卒喪葬悉遵古禮伯兄
少亡事仲兄愛敬備至析爨時田屋取其薄儉者一切
債累獨任之宗族戚友間一以誠懇相待遇困苦輒周
卹之不吝而自奉則以淡泊終焉年未冠卽銳志道學
凡讀書作事必體察於身心印證於聖賢嘗題座右云
跬步之間皆學問道德以外無功名人生至樂孝與弟
天下大防理及情於書無所不讀而獲益多在論語周

易所著有論語贅解易家致用說行世又有復初堂文集皆有闢世道人心之作生平硯食他鄉所至仰如山斗授徒數百人居甲乙榜者甚眾晚歲主講受川書院士民皆倚重焉同治紀元祁文端保舉循吏以年老力辭丁卯冬捻匪竄晉所至騷然奉部文辦理鄉團地方賴以平靖光緒丁丑旱荒通邑乏食又奉 旨辦賑

委員勘查以偏災起報賴其言乃得通融徧賑未幾卒 旨照例賜卹

曾爵撫以辦賑積勞病故奏請奉 旨照例賜卹

閻汝弼字夢巖力學好古咸豐壬子以經藝登賢書丙辰成進士授戶部主事性和而介官京師時有友人故長者偶誤時趨汝弼法語異言交用勸勉友人說釋從而改之以故訂交者愈多公餘手不釋卷著有周易爻徵廣義行世爲一生精力所在又有歷代名臣紀事詩循吏紀事詩各四卷尙書古文今文考一卷詩經緒餘十卷待梓提本部員外郎以疾卒於官

胡韞輝號石齋性至孝父歿於雁北號泣衝寒收骸骨歸葬家貧力學咸豐己未舉人同治辛未大挑一等癸酉權廣西武緣篆鋤姦除害大有治聲田州土司岑氏構亂梧州府徐公延旭撫平之田州改流薦引韞輝彊歷田州參辦軍務光緒乙亥四月到任僑居大佛寺十

一月陽萬土司岑潤青聯糾族黨聲言奪取田州潛通
眾土司相助百姓紛來告急請移入平街柵內韞輝恐
搖眾心諭使堅守勿動時徐知府旋省銷差田州止留
兵勇數百賊畏韞輝籌策夜使人行刺韞輝心動搜獲
於門內詢知爲潤青所使叱之曰歸語爾主吾奉命勦
撫田州豈汝鼠輩所能戕耶誠而遣之未幾賊氛突起
他守官多竄匿韞輝命其子瑞年守大佛寺身率兵勇
與賊奮鬪賊潰乘勝收復失守地方岑氏渠魁及餘黨
計誘戮之事平以上憲保奏直隸州同知用戊寅題補
隆安縣益勵精圖政民稱生佛甫六月以積勞成疾歐
血卒晚年筮仕未竟所施士論惜之

劉偉人議敘從九品爲人莊敬而文溫雖燕居無少肆
精史學於紫陽綱目尤記誦無遺性孝生事葬祭皆循
禮訓子弟以義方家庭之間秩如也嘗謂婢僕亦人子
當善遇之見者咸愛敬焉

劉翼之字輔廷企益子咸豐辛亥領鄉薦壬子捷南宮
歷知直隸靈壽安肅陝西褒城安康諸縣事陞甯陝廳
同知所至問民疾苦多所革除從不輕用刑罰民視之
如慈父母任褒城時其地棧道有軍米萬餘石撫憲限
三日運至漢中方憂無可如何而民皆爭先負戴不三

日已運訖矣

文苑第二

明

閻璽性凝重幼讀書輒能默會其意爲文不事雕琢而
矩度秩然成化甲午登賢書益肆力於學甲辰登進士
與王虎谷喬白巖王晉溪諸人齊名授戶部主事兼理
鈔關商稅羨餘秋毫不取陞河南潁州兵備副使守正
不阿爲奄瑾所陷免官杜門不出瑾誅甄拔淹滯言者
交章薦之不赴以疾卒於家士論惜之祀鄉賢祠

賈麟嵩之子以歲貢任主簿宏雅有器度淹貫經史其

孫章宏治辛酉舉於鄉任掖縣教諭性剛介與人落落

難合皆以工書善屬文稱於時

按選舉條作任知縣未知孰是

袁萬里少穎異讀書日記數千言弱冠中嘉靖壬午鄉
試入胄監有志於濂洛之學杜門數載晝夜精思欲取
朱子儀禮經傳通解蔡元定律呂新書邵子皇極經世
纂爲一書以教後學未成而卒年三十有一所著律呂
解增注黃鍾積算圖藏於家

賈雲程麟之曾孫少敦慤不華力學好古竟日危坐手
不釋卷博通經史百家教人必以聖賢爲法多所成就
以歲貢任陝西靈臺訓導

王謚來聘之子幼聰敏力學一日家人饋餅及蜜謚且
閱且食餅濡於硯手口皆墨而蜜如故弗覺也萬曆歲
戊子或問邑諸生孰可雋者謚笑應曰秘勿語人舍謚
無有也已而果領鄉薦時年十八試南宮不第歸逾年
遂卒祀孝弟祠

國朝

聶次井字望雲性至孝善古文尤精詩詞出游必齋紙
筆於風土人物之可傳者卽錄之晚年因作邑志未成
而卒康熙十一年邑令吳公祚昌重修邑志於其遺稿
實多所取資云以下補

馬慶餘家貧嗜學幼時父命之刈草慶餘懷書於刈草
暇倚崖讀之入泮後鑽研益力值村中演劇家人令其
往接親戚慶餘於驢背閉目作文驢至半途而返彼沈
思猶未覺也乾隆丙子領鄉薦庚子成進士任河東運
學教授爲文沈雄典麗有大家風

秦尙志號梅崖乾隆丁酉解元任萬泉教諭爲文有豪
氣與邢鶴皋趙漢章齊名

鈕炳綬字佩甫乾隆己亥舉人任大甯訓導署沁州忻
州學正性愛菊家有小園蒔菊常滿徑間有異種雖遠
必致之每花時延客觴詠自得著有薇花書圃詩文集

十九卷

劉元一乾隆庚子舉於鄉品學兼優家居設帳一時名望多出其門所著有帝王世系都邑便覽卧遊編行世長子霽嘉慶丙子解元亦博學著有戒淹喪文行世次子霽號雪崖歲貢生慕傅真君山之爲人得其片紙隻字必鈎摹而壽諸石遠道購求雖重價不恤嘗補刊霜紅龕詩集附刻徵君子眉詩集又著有先儒外紀記徵君及郭還陽禠事又選歷代詩之有關倫常者名曰童子吟又著有商中集補遺行世隱居教讀值歲饑嘗散粟以賑鄉人祁文端公爲作歌以紀其事

潘瑒字燦如歲貢生至性肫篤童年失怙孝母恭兄人無閒言讀書精研理學所著有四書講錄松嶺藏稿等書乾隆己卯大旱粟價騰貴瑒散給籽種賑濟困之一鄉賴以安全持家以朱子格言爲法課五子兩姪讀以經史爲重以培養性根爲本皆爲邑名諸生
弓佩綬養正之姪乾隆己酉與佩綬中同榜副車乙卯領鄉薦設教多所成就道光丙戌大挑二等補趙城訓導著有鹿厓俚語行世

祁朝曠幼時貧不能學族有塾師授徒朝夕竊往聽講師覺而詢之則悉能解說因告其族收入塾夜嘗然香

照讀過目輒能成誦時年十七從師甫數月應試卽入泮卒成名儒中嘉慶戊寅科舉人任襄陵教諭長於詩賦書法亦爲時所重又多才藝善用烏銃及彈弓有發必中數十步之外先彈溼凡黏壁者十餘凡遠近若一再行用乾凡彈之悉符其處其技巧皆類是初壽邑方山頂有泉曰天池湮塞已久公從族諸父鶴皋先生遊使衆覓此泉不得公舉鋪卽得因號及泉自此文思大進人謂其靈秀之氣得於此云

康克昌字介繁號華村嘉慶戊午舉人任潞城訓導剴切示教士習丕變爲學政所推獎告歸後值邑令鍾汪杰重修受川書院延請主講科條嚴肅得士最盛子汝驥字漢才孝友性成道光甲辰舉人亦主講書院後任曲沃縣教諭卒於官

張錦標字師肇嘉慶己卯舉人涵養和粹隱居教授矩矱端嚴科甲士多出其門著有居家義例編行世

祁宗藻雋藻兄也字仲寅號漁莊道光癸酉舉人所著有鋤經草堂詩集行世

侯炳塘字東子更名七命道光戊子副榜耽吟詠所著有愛日草堂詩集仰山詩草夢雲集藏於家

張鳳梧字吉人號曉峯道光壬辰舉於鄉任澤州府沁

水縣教諭著有二十四孝詩贊語

劉訓陳字東阜鄉先達憲之子也爲人器宇深沈性情敦厚家貧嗜學博極羣書未冠入庠旋食廩餼每科歲必列優等教授生徒不以貧富異情棘闈七薦不售遂絕意功業游四方逾大梁涉關隴歷雲中幽燕諸名勝多詠古雜錄文詩皆卓犖有奇氣所至名公鉅卿罔不稱其淵博晚年家居精理數醫學諸書雖四壁蕭然而歌吟不輟都人士懷疑來質者無不引經據典指陳詳悉蓋惟其淡於名斯益博於古云

史秉正字端甫咸豐己未科舉人性誠樸嗜古竟日危坐手不釋卷恂恂然終身如一日訓迪後進成就頗多品學爲士林所重

孝義第三

元

楊國祥別字杏園居士以佃漁爲業以勤儉爲本取與不苟嘗得人遺金失羊必訪還其主其生平所行大率類此卒祀忠義祠

明

郭布永樂癸卯科舉人正統庚申輸粟二千石賑荒敕賜旌表

岳曇正統庚申輸粟二千石賑荒旌爲義民

霍九德正統庚申輸粟二千石賑荒旌爲義民卒祀忠義祠

鄭士廉正統庚申輸粟二千石賑荒旌爲義民

岳崇幼孤中成化乙酉鄉試以母老不急仕進宏治間授直隸河間府同知操履清嚴權要懼伏而事母晨昏爲謹母嘗嬰疾崇調湯藥扶持撫問不假婢僕閭里傳以爲範卒祀鄉賢祀

吳宗性至孝父母有疾躬侍湯藥衣不解帶夜不安寢父母相繼歿廬於墓側負土築墳值歲大旱周所廬之十餘里田野得霑雨澤日有羣鴉集於塚樹與哭聲相應者三年成化間奉制旌表其門繼賜冠帶年八十有一無病而終

傅甯字宗謚貢生幼有遠志博學多聞成化間任河南開封府教授啟迪有方多士向風科不乏人俱爲名宦有桃李盡出公門之譽後丁內艱哀毀骨立斂殯祭奠一遵文公禮制服闋而卒時論惜之

補 舊志選舉條作任訓導

蔡鑑成化甲午大荒輸銀以濟飢民朝廷嘉其義賜七品冠帶以旌之

補

趙蔭幼事詩書動遵禮度孝友出於天性丁母喪哀毀

母立廬墓側泣血三年嘉靖二十二年縣令徐有仁延
爲鄉飲賓卒祀孝弟祠

郭萬有至性及長精究堪輿居父喪廬墓三年朝夕哀
慕日食蔬素形骨僅存既除猶終身不御酒肉卒祀孝
弟祠

張鑄歲貢生少孤孝行純篤母嘗病目盲鑄憂勞無措
髭髮爲之變白性好學兼通天文凡陰陽休咎率能預
知晚就綏德州訓導推鐘律運氣之奧纂注靈樞經及
日月五星志卒祀鄉賢祠

按蘇州志作鑄
馬首農言作璠

閻芝性至孝盛暑父感熱疾欲食冰乃頷天號求至蔡

莊河石麓下有水成澌湧出持歸父食之疾愈淹貫羣
書與同邑袁萬里善由選貢授河南歸德府經歷適施
尚詔之亂率衙衆禦之城賴以安巡按御史累疏保薦
會疾作致政歸所著書有子史要略及詩文若干卷藏
於家卒祀孝弟祠

馬孔照幼聰慧補邑庠生遭母喪廬於墓朝夕泣奠者
三年卒祀孝弟祠

閻邦偉邑廩膳生早喪母繼母喬氏性嚴事之惟謹嘉
靖二十年鄉居北兵至負母入懸窰及兵退移母出窰
窰遂傾人皆以爲孝感卒祠孝弟祠

郭堯業於農明隆慶間拾得商人鄭廷應遺銀二百八十兩父廷儀命如數還之爲縣尹石公所嘉賞云補

李朝陽以歲貢任邠縣訓導性孝友敏給嗜學長於詞賦禮期廓落人皆高之卒祀孝弟祠

趙文燿性至孝值父喪哀毀骨立廬墓側二年負土築

壘三世祖墓士林呈請學道給冠帶卒祀孝弟祠按吳志時

有鴛鴦情真號月應隨猿共叫廬墳心切悽風偏向虎同眠之句

段廷用由吏員任直隸定州衛經歷性至孝父友慶早歿母蘇氏疾篤迎醫未效焚香祈禱求以身代及歿號泣骨立廬墓二載時值荒歲盜賊充斥有過其廬者不

忍害一日羣狼環視俱俛首引去不之傷其所居處

瓜竝蒂麥雙歧人咸以爲至孝所感曾負土建塏邑人

稱爲孝子塏卒祀孝弟祠按邑西南溝北村東有孝子墓姓氏無考疑卽此塏也

閻季才芝之子父早喪母孀居季才齋爲謹凡飲食

必躬奉之疾病藥必親嘗歿後哀毀過節茹葷酒足

跡不及戶外者三年萬歷中由選貢任玉林訓導兩試

不送一劣尋遷安邑教諭卒祀孝弟祠子四謹訥訥詔

皆諸生詔有著述尤爲時所推

袁懋幼嗜學補邑庠生以親老家居教授俊彥多出其

門二子長萬里弱冠登賢書次萬程亦聲藉譽序性介

直鄉人有競者咸及門取平鄉飲充大賓

高超自幼家貧肆力於學尤工篆書事母以孝聞凡生
事死葬皆竭誠盡禮性耿介有古人風遇荒歲推食食
人族黨中力不能婚葬者雖窮窘力爲之助壽至八十
生平好善不倦卒祀忠義祠

雒官家世農業性好善人有急輒周之曾見路遺小兒
訪其父曰吳貲米歸之使哺養常夢至一山見樹木茂甚
日安得方山有此植亦可稱名勝矣越數日復夢遂詣
方山甲覽之宛然夢境特樹少耳乃謀諸衆種稗松萬
株時自灌溉閑芻牧數年後所植成林又節食用令四

子各輸金置地四十畝以爲永久守護之資邑諸生張

統選爲之記卒祀忠義祠

按州志無遺字又據唐天佑四年神福山寺靈跡記山之

多松唐時已然且碑陰所記施地已二十
頃三十畝則官之種松置地特繼蹤耳

王接武由例貢授經歷署縣事與弟生員章武咸事親
克孝值歲凶以好施鄉人德之卒祀孝弟祠

王謹來聘之子由例貢任縣丞署縣事歸家凶年施米
賑粥人賴以濟卒祀鄉賢祠

孫朝翰多善行喜施與歲荒以鹽易粟煮粥濟饑卒祀

忠義祠

按州志無朝字

柳鎔弱冠爲邑庠生崇正間循例入太學事孀母盡孝

道弟錦舊知平山縣甲申李自成之亂令縉紳家悉出餉銀繫錦父子於獄以無所納賊怒欲先斃其子後及其父鎔謂錦曰忍令汝父子俱斃乎乃使其子淑孔代之賊感其義得俱釋卒祀孝弟祠

按舊志入國朝誤

閩之徽務農為業聞國朝定鼎夫妻皆不食而死

補

馬驥值歲饑關中鄭公索賑驥出粟三百石鄭公欲給

匾旌之慨然曰吾賑以救民非干譽也固辭之

補按舊志萬

歷聞知縣有鄭民悅鄭金皆係北直人茲稱關中鄭未知為誰

國朝

祁繼昌順治戊子拔貢為人沈靜寡言篤於孝父好弈

至忘飲食昌每懷食隨之偶有疾不脫冠帶而侍至愈

乃止居喪三年哀毀之色未嘗少減年七十每言及親

在時事猶流涕鄉閭咸以為孝卒祀孝弟祠

庠生李可棟厚重寡言性孝友居父喪三年不飲酒茹

葷卒祀孝弟祠

閻養奇母歿父立恭獨處養奇朝夕侍父側凡定省溫

清之節未嘗少懈遇盛暑必驅逐蠅蚊使勿近父所卒

祀孝弟祠

張三文世服耕桑養親以孝聞母歿事父婉容承順父

年九十餘三文亦老視膳問寢不懈卒祀孝弟祠

庠生趙成美祀孝弟祠

康生趙碩人祀孝弟祠

上二人見胡具體
孝弟祠題名碑

武更新父庠生紹文早歿家貧事孀母趙氏竭力贍養
凡遇蔬果之類無不力營以供時或窘甚必貸諸其鄰
以易之曰我母年老恐不能常食也母至九十六而卒
終始不懈卒祀孝弟祠

張守身父果無嗣養以爲子守身盡孝道無異所生果
年七十餘奉養彌篤雖貧甘旨備具及亡擗踊盡哀殯
葬如禮

庠生潘宗鼎父太學生毓正早卒宗鼎於昆弟五人最
少事孀母王氏四十餘年克盡子職及母卒閉戶不出
三年康熙丁丑壽陽大歉宗鼎多方周救施籽種助耕
牛一村賴以安全縣令表其宅鄉飲雨延上賓卒祀孝
弟祠

庠生劉肇興性好施與康熙閒歲饑鄉里蒙其全活甚

康按興州
志作生

馬中健字維乾未冠入庠旋食廩餼康熙庚子歲大饑
出粟以活窮困凡己所質貧人田產皆燬其券使自收
穫之邑人感戴舉大賓雍正三年銓廣昌縣訓導未就
任而卒教子嚴而有法嘉慶開公舉祀忠義祠補

廩生馬玉瑞字德五中健子性端方讀書勤苦雍正壬子夏大雹禾麥盡傷與其兄歲貢生獻瑞各出蕎麥數十石散邑人使徧種之秋得大稔後有償之者辭不受邑令胡具體旌其門補

廩生郝英儒事繼母張氏年近九十溫清定省不少解弟早逝遺孤生瑜甫二歲撫愛教訓俾成立爲諸生鄉人咸謂其孝友出於樸誠卒祀孝弟祠

郝懋德父歿懋德甫八歲弟懋蘭四歲小者在襁褓懋德率蘭讀書先後列爲諸生康熙十九年歲大歉捐粟賑饑全活甚眾懋蘭與其兄事孀母李氏三十餘年竭力奉甘旨蘭事兄如嚴父尤邃於理學懋德之子雲龍

雲翼孫文瀚懋蘭之子雲企雲生家學相承不墜儒業

懋德卒祀孝弟祠

按後懋德爲廩生懋蘭雲龍並歲貢雲翼拔貢雲企增生文瀚進士

庠生劉文典字維清豐於財而樂善好施康熙十九年大兵西向道經壽陽旅客避兵者過其村時方艱食文典日出米數斗施飯者四五十日三十五年歲薦饑人不聊生又於其村每人月給穀二斗每婦給棉一斤村人賴之不至離散補

董延賀原籍平定人後遷壽陽城中以貿易爲業樸質不與人爭性至孝事繼母如所生凡婚喪之家有求者

隨所有濟之弗計其償凡貿易所得悉以濟人無一錢之蓄鄉閭稱爲董善人卒祀忠義祠

胡美爲人端方正直恆以勸人行善爲念閭里中力不能葬娶者必助之曾修橋三座鄉之子弟入學讀書助以紙筆善醫術貧不能得藥者施藥治之由是東南鄉賴以全活者衆卒祀忠義祠

盧繼元好爲善修橋葺路雖日不暇給不吝也嘗貸入錢穀貧無償者輒火其券治家嚴肅所施與二子莫敢問者邑令吳特懸旌善匾於縣門與董胡共題爲三善人卒祀忠義祠

張怡見胡具體義士題名碑

段承緒幼失怙恃居喪哀毀骨立事兄如事父舉乾隆戊辰武科進士陝右李璋旅居待選貧病無以自給承緒初不相識因出入一旅館助之金俾得投干總以去卒祀孝弟祠

張應聲自幼以孝友聞教子弟尤以孝弟力田爲本乾隆二十年年百有一歲請旨建坊得給賜昇平人瑞匾額

王朝彥至性過人五歲失母事父至孝父歿哀毀骨立遇繼母郝氏有疾侍湯藥輒晝夜不解衣帶於異母諸

弟極友愛里黨稱之卒祀孝弟祠

王仕廷事母武氏至孝幼年父歿赤貧備力奉母每時物初登必求少許以進迨母老病不能起廁牘穢物親自洗拭不令妻代夙夜勿懈歲餘母歿三年中不處於內值親忌日必痛泣終日不食新穀既升必持獻墓前默告人詢其故曰親在每以乏食爲吾憂今有穀矣來告吾親勿吾憂耳若是者數十年以爲常仕廷不知書貌僂僕其真性純摯多合於古人乾隆二十五年晉方伯朱珪聞而嘉之給以乘彝無忝匾額表其門卒祀孝弟祠

歲貢生李維端母老朝夕侍側惟謹母年八十九卒哀

毀骨立終喪始謁選秉鐸教以孝弟爲先士人化之卒

祀孝弟祠

以下據州志補

廩生趙廷佐字東藩性至孝家貧教授鄰村每日歸省風雨無缺薄田數十畝鬻以供甘旨殆盡居喪苦由哀毀獨居二年親串罕見其面讀書心在實踐以虛名爲恥學使景公崧試舉優行給匾旌之曰綱常砥柱子宗文見鄉賢

庠生安逢泰字昌侯事親孝教子循義方子孫多列庠序性鯁直莫敢干以私與人交然諾必踐取與一介不

荷雖居城市非公不見邑宰知縣胡具體給恪守臥碑
匾獎之兩延鄉賓卒祀孝弟祠

庠生安烜字映藜逢泰子父性嚴烜事之得歡心父年
八十餘偶怒杖之烜私語其子曰昔伯俞受杖而泣母
之衰吾今受杖而喜汝祖之尚不衰也遭母喪哀毀不
輟既葬每晨夕至墓所省視哭奠事繼母尤謹友愛兩
弟先父卒臨終謂其子曰我不得長侍却下此心缺然
死勿以禮葬我卒祀孝弟祠

武守義年十七喪母哀毀如成人懲母以病亡潛心醫
學父病時賴以全父歿事繼母倍謹長子學員見武科
王希賢性孝事親甘旨必備以貧故外買每行涕泣計
歸程而留供給在外遇時物不敢嘗人詢之曰未知吾
親曾食否父母病衣不解帶者數月羸甚家人欲代之
曰吾親也他人何可代及卒哀毀骨立葬祭盡禮鄉人
化焉

庠生郭汾裔事親孝居喪哀毀備至廬墓二年知縣胡
具體給匾獎之

廩生李振陽八歲喪母哀戚過成人及長事父孝事繼
母尤謹母病侍湯藥不解衣者逾月髭爲之白母死哀
切動人喪葬盡禮爲文力追古人未售而卒時論惜之

歲貢生吳俊事嫡母孝生母善病晨夕不離兩母同時
病蹠踐往來衣不解帶者六月餘無少懈兩母先後歿
號泣之聲晝夜不絕聞者淚下學使德給力行孝弟匾
舉鄉賓卒祀孝弟祠

廩生郭豐性至孝幼失恃父患癱十餘年日夜侍側飲
食起居必親父歿哀毀骨立鄉里稱之舉優行學使給
匾曰文行兼優舉鄉賓卒祀孝弟祠

郝守恕性孝友母卧病二年晝夜奉侍不懈母歿哀毀
骨立與兄守志早析箸守志日益貧衣食不給守恕出
券裂之與同居以終待姪如子遇貧乏者必周之鄉

三稱長者

庠生霍宗先性至孝六歲喪父及長常以不及養父爲
恨事母承顏順志務得歡心母八十四歲卒哀癯殊甚
祭祀輒涕泣其周急也惟力是視

遂壘性孝友事親能得歡心與弟贊同居六十餘年無
閒遇貧乏者輒周之知縣王興穀表其門舉鄉賓

秦鎮四性孝友敦品力行爲鄉里所推舉鄉賓子大定
亦至孝幼事繼母能先意承志孫尙志傳詳文苑

子入海性孝貧無以爲家母子依倚爲命周旋一椽凡
百勤劬鄉鄰感歎母壽百有九歲卒入海年已八十有

八涕泣昇母合葬父側朝夕哭奠七日而卒

劉光武好周急乾隆二十四年歲饑捐粟施粥全活甚

眾知縣李伯謙給匾獎之舉鄉賓

蘇州志作謙

霍安仁好義樂施乾隆四十八年施穀百餘石分濟鄉鄰王強村南山嶺崎嶇捐貲修理平坦行旅使之遇貧乏者必周恤人稱長者舉鄉賓卒祀忠義祠

樓忠義祠木主有鈕希湯張體直閻龍孫峻德祁朝

鸞神樹措祁文汪王文遠閻道立孝弟祠木主有榮

萬祥王介福潘徵聘郭肇麟張國佐王希賢鈕遂志

張逢吉郭錦屏趙鶴雲張尙渠趙廷佑吳井榆趙廣

棟竝 國朝人事蹟皆無考

王昭字玉如號崑峯

修斲腐其底隅方知板

則白金鏤然見焉接其數足百五十兩昭度此爲史姓

先人所藏遂還之史姓感激上之邑宰張淑渠贈匾旌

之時乾隆二十二年也同治間史孝廉秉正爲作買櫬

還金記

以下補

增生安而敬字德風虹之子性至孝事親竭力承歡父

母年六十餘相繼逝時祖父母老病臥床褥而敬奉事

周至備極勞瘁衣不解帶者三年年四十餘鬢髮盡白

存志遠大 切豐華麗無介於懷惟以讀書體驗爲
要遇橫逆之來嘗自反而不與校州牧金明源知縣栗
維楨俱旌其門卒祀孝弟祠

潘思用字子中性耿介遵叔瑛訓學有根柢尤善談古
今忠孝事弱冠補博士弟子員試輒冠軍乾隆癸卯歲
歉罄困賑濟又質產貸金以繼之全活甚衆時邑令欲
改受川書院爲公館以力爭得寢嘉慶辛酉年七十應
鄉試 欽賜副榜鄉飲舉大賓卒祀孝弟祠

聶鼈家貧好善凡修寺廟橋梁等必措貲助之或助工
幾日後有莫公天麒宰壽訪鼈後裔自言前身卽鼈云
李麟翔庠生性喜幽靜潛心理學作止語默皆有矩矱
教人先以小學近思錄等書尤諄諄以孝弟相勸文藝
則後焉耳一時多所造就年七十餘無疾而逝

郭鶴齡字松年道光壬辰舉人博學工書性至孝父歿
母患癱晝夜扶持床褥便污皆親洗拭不令妻子代鄉
里稱孝焉

附貢生劉企蚤慷慨好義爲戚黨所倚賴道光十六年
歲飢市無粟米人有持錢泣者乃與兄景蚤議罄家儲
施濟其族人瑞五亦樂善好施貧不能婚葬者有求輒
應計所費三千餘金不錄簿蓋不責其償也鄉里皆義

之

歲貢生郭巍字蓮峯孝廉麟伍之父也自奉清苦而事母甚孝常買數千錢於母寢所以供施與母年幾七十而事之稍不及檢輒跪請責生平不苟言笑望之使人生畏就家設館課讀甚嚴誨諸生以立品不徒以時藝爲業雞鳴而起終其身如一日道光十二年邑薦飢里人艱於食率好義者捐金糴米以贍之婦女禁豔妝觀劇無事不得出中門家法治喪用相禮者而不用樂其品行之端嘗爲祁文端所嘉許云

恩貢生張升秀字龍光號春岩性謹厚事母最孝母年七十時患對口疽醫藥罔效升秀倉皇無措遂成瘋疾伏禱家神願減己壽以增母壽如是者數日亦不應其族兄鳳詔諭之曰愚哉愚哉嘗言母卽生佛何向畫圖閒索諄諄瑯遂長跽母前祝曰阿母再撫兒二十年云云時母病憤不能言移時卽呻吟曰冥司賜我陽算一紀汝勿憂須善事我升秀欣然起問疾頓已母疾果不越月而愈壽九十餘而卒祁文端嘗贈以詩序云余交游頗廣而品學兼優惟龍光一人而已

郭壯乾隆乙酉科武舉尙俠氣有胆略嘉慶間一駕幸五臺邑令董請協辦差務費省事安合邑贈匾曰

品行端方晚年病瘋長子武庠生太平時年甫十五代
持家政具有條理性嚴肅家大小咸敬畏之其弟仲叔
早卒與季弟及姪同居數十年無敢言分爨者壯後祀
忠義祠

劉雲鶴字仲翔修武佐校尉執毅之子介休縣總戎雲
鵬之弟也弱冠入武庠膂力過人道光間從征三載身
披鐵甲日夜不解凱旋時腰閒徧曳亡兵髮辨鐵甲當
坐處洵磨不全邑宰鍾汪杰以軍中君子匾其門仕終
樂平營把總壽九十至今鐵甲尙藏於家

武從先字敬和多力善射中道光壬辰武科性和厚公
直有儒者氣象事繼母盡孝待兄弟友恭備至善排難
解紛遇人困乏求無不為爲鄉團長措置得宜
鄰近賴之延師課子極忠懃子克繩歲貢候選訓導克
明舉人現任浮山教諭

賈福喜以鬻醋爲業家貧未娶母老多病晨起代爲梳
泮販鬻所得悉以供母扶持侍養兼理婦職親歿結廬
於墓服闋後每日詣墓拜跪上食雨雪無阻數十年不
懈鄰里欲贈以匾固拒之曰吾於親分毫之恩未報若
懸匾借親市名也愈增吾罪其族人賈富周感之所以
事其母者一以福喜爲法道光二十七年邑令王晉介

以式化鄉閭匾旌其門卒祀孝弟祠

杜宗預字傳癖爲坊者業性至孝母病嘗割其臂肉以療之孝廉劉霽作太安行以賦其事後值軍需缺餉其從子郁華裒所積百金呈縣令黃承祐而辭議敘曰吾以當獻曝耳黃公歎息以爲忠孝出於一門以忠孝傳家匾旌之

楊文信孝謹敦睦凡事必遵親命年已耆艾飲酒微醺不敢見其母家有餘粟鄰里乞假者必應子三過春占春皆庠生惠春善治痘疹而不受謝昆仲皆有父風析爨時鄰里借粟百餘石悉焚其券

張生福本張氏養子而事親無異所生母性嚴急往往詬咎怡然受之如孩提狀體力乏乞食以供甘旨母病籲天求代徧禱神祠母歿後有薄田二三畝收麥不食積數年詣諸廟還願已仍乞食村舊有狼患惟生福昏夜往來有狼隨之不相害而反若相伴人以爲孝感高鵠文性仁孝嚴冬母病疫醫藥需蛙膽鑿冰探水得之調餌以進母遂愈迄今鑿冰處經冬不凍土人號爲奧保泉事伯母如所生待伯姊如同胞有族弟家貧妻將別嫁貲給之使完聚卒祀孝弟祠

祁樹槐字植三天資篤厚孝友性成少事父母瞻依如

下不忍頃刻離有故外出歸必以時雖風雨不爽父母
年八十餘其年已逾六十常效萊子嬉戲親側親喪葬
祭如禮後兄欲析產勸阻再三辭意懇切兄亦感悟而
止臨終謂其子曰汝等有欲與汝伯父析居者卽爲不
孝子倘汝伯父必欲析居汝等亦不得執拗田宅任其
擇取可也卒祀孝弟祠

陳克信性介直嫉惡如仇恤孤寡族屬克榮妻劉氏家
貧無子夫歿無依謀改適克信與本支兄弟議力阻收
養入家得以節終身業農而酷愛子孫讀書不使治他
業故子孫入邑庠者相接踵焉

張朝珠樂善好施乾隆四十二年天久旱村人議禱雨
龍泉山未決朝珠自頂水瓶入山焚香取水歸至郭家
壩瓶溢大雨如注沾漑皆足六七村感其善德贈以匾
無子臨終罄產布施鄉閭稱善人焉

歲貢生李德輝孟縣籍乾隆己亥舉人李德懿之兄也
事親甘旨必具親所居室洒掃溫清不假婢僕弟輩爭
欲代之不能得親歿哀毀骨立奉祀木主如事生出告
反面終身不異

遂映堂字德星號蘭畦張鶴崖孝廉高足弟子也家貧
博學尤潛心於六經諸史弱冠入庠食廩餼登嘉慶戊

寅 恩科賢書丙戌大挑一等分發甘肅知縣改官沁
州學正陞朔平府教授卒於官孝友克敦父母相繼歿
哀毀幾殆仲叔兩兄又不壽映堂以舌耕所得奉伯兄
撫諸姪終身不忍析爨任沁州時贊修文廟復督修考
院書院工援例紀功一次於諸生月勤訓課文風大有
起色上官欲保薦知縣固辭之

張全明字丕著居父喪哀毀骨立母性嚴事之能得歡
心乾隆間縣令以事親養志匾旌其門卒祀孝弟祠

李緒久孝廉師沆之父也幼承嗣叔門叔母性嚴急稍
不如意輒加詈責每語人曰余温飽逾父心常不安雖
日遭詈責實自干親怒耳時戒妻益謹婦道已愈加承
順後叔母悔而慈遇之嘗與妻言及往事曰世斷無不
慈之親昔之致親若彼者皆我之孝行有歎也叔母有
婢女爲擇良家具厚奩嫁之或阻之曰此婢盡力吾家
堂上之晨昏悉與吾分任之忍令其失所乎叔母卒哀
毀盡禮有堂姪家貧爲出貲成室又有塋無主祀者遣
田數畝人爭耕之乃倡言於族人曰利其田而餒其祀
非情也約令耕田者歲時致祭凡與祭者均食餼餘由
是人爭赴之

閻瑄如性至孝母歿不茹葷酒者數年每出入必告面

於粟主如親在時又善遇兄弟人咸稱之
高鵬旺性至孝色養爲人所難有伯叔三人皆客死於
外家無產業伯兄負屍歸鵬旺爲市衣冠厚葬之遺伯
姊妹四人俱適寒門時賜給錢米伯兄留養家中二十
餘年卒亦厚葬之嘗爲人執柯因妝奩不備兩家睚眦
卽以己貲爲購衣解之其居鄉能排難解紛類如此人
以此多之

聶佩芝字馨菴賦性樸誠舉止端凝商鬻以養親凡分
所得爲者靡不備至迨親年高未嘗頃刻離卽不得已
出外戒期必至親歿哀毀骨立於昆仲之艱窘者皆代

生計俾無失所晚年舉充鄉飲耆賓

聶子敬副貢聶元鏞本生父也性孝友幼失恃侍父刻
不忍離父不憚則故爲嬉戲以悅之後父患痰疾輾轉
床褥者數年晝夜服事略無怠容父歿哀毀骨立葬祭
循禮其長兄歿無嗣年逾耆艾止一子出嗣長兄乃納
側室生二子焉家故饒樂施予善裁成凡戚里有乞假
者皆量力貲助雖頻不厭也道光十二年邑大飢凡貧
者至門酌給錢米賑之全活頗多見童幼稍靈秀輒供
紙筆使入家塾讀書以此得業商成家者不可勝數而
生平辭氣謙和尤富者所難咸豐閒以軍功議敘國子

監典籍舉鄉飲大賓

李根旺業陶於外性至孝每蔬果初登必購以奉親雖重價不惜也至尋常甘旨囑家人無使缺而自身輒無完衣父年九十餘卒始終如一

馬汝良爲人忠厚儉讓事繼母以孝聞遇羊頭鎮集期常懷乾餼尋給路中飢人或途遇無依孤兒必送歸家里年八十三無疾而終

張廷槐性剛直樸實篤孝思尤善事繼母視姪如子勤理社事親族有不能婚葬者每慷慨資助

鄭允恭字正己事親孝繼母兩目失明因病生嚴奉之愈謹十餘年閒終得母之歡心賙卹親族尤致意孤寡人多稱貸臨終俱焚其券

王道宏幼時家甚貧父母以艱難起家及家道小康母遂逝時年尙未冠每念母氏之劬勞輒潸然出涕事繼母亦盡孝周卹親鄰雖典質無難色次子煥以舉人現任聞喜教諭

李大齡弱冠出爲叔父嗣夫妻事叔母克盡子婦道其叔母嘗語人曰吾姪夫妻之孝恐生子猶不及也其待人以和教子以義至今百餘年鄉里猶稱道不衰云

閻竹林生而孝友父年七十餘患癱疾近二載湯藥飲

食皆所親治扶持便溺洗滌污穢毫無難色厚待諸弟與鄉里交無急言厲色

李仙和初貿易於外因母病家居爲之櫛沐澣濯扶持抑搔數年不懈

趙碩俊字偉卿性耿直而樂施凡張燈演劇事絕不寓目冬時每興工作貧人多資以衣食有詐爲婚喪求助者必如願以償絕不核其虛實道光十二年邑大飢出其積粟賑之活人甚衆二十三年修邑城詣縣首請輸金五百人謂其家有餘貲至冬乃鬻其市屋與之邑令黃承祜表其閭曰義質信成

監生韓成福以勤儉致富然樂善好施建宗祠立義學憫溺女則施米以救之修書院則捐貲以助之所居南莊至省城山路崎嶇常覓工人剡平之昆弟三人友愛最篤成福有二子仲成倉季成玉各一子成倉早卒分爨時成玉欲作四股成福不肯成玉曰弟一生事事遵兄命惟此事欲行己意且吾仲兄遺命亦如是固讓久之卒作四股鄉人咸高其義

歲貢生祁朝駿性剛直不妄言動咸豐二年籌辦鄉團施米百石錢二百緡以保鄉里祁文端稱其立節砥行不隨流俗急公仗義無所吝惜曾著穀價低昂論載入

馬首農言

監生盧琳善持家婦女輩每歲給棉有差課紡織以供衣服日用食品皆有定規娶婦嫁女皆有定費不得奢侈昆弟同居數十年其親睦尤足風世

弓文光兄早卒待嫂姪以厚以種地邊外家小康終與嫂姪同爨鄉里義之

李雋典昆弟三人伯早卒仲亦老雋典事之愛敬兼至治家儉樸而嚴子姪輩出告反面彬彬有禮法一家五十餘口未嘗聞交謫聲爲近世所罕見云

溫學全業丹青幼從師學能專心致志故藝擅一時有譽之者輒曰非師所教不及此由是家頗饒裕有羨之者輒曰非師授我以藝不及此後師老家居忧師有飢寒之迫每年必寄十數金至歲時伏臘恆詣師請謁循循守弟子規焉

潘萬桂善居積好施與親族中孤寡者矜恤之無依者留養之待以舉火者常數十家每謂子孫曰余非好名第以天地之道貴積而能散嘗見富翁紅朽陳陳而枵腹者求一糠粃弗與大非保家之道也時遠近以長者目之

閩超然慷慨好善嘗爲堂姪成室以延宗祀戚族有貧

無所依者輒收養之又外家無後爲代祀其神主人皆義之

王朝卿字瑞雲服賈養親愛敬交至植品亦極端方後家計稍裕尤能周卹貧寡鄉里重之

閻爾德凡修置房屋必使樸陋人問故曰吾不費盡苦心爲子孫他年作美價也時里中有貧欲鬻妻者百方勸止助以柴米其人感悟因得偕老

任永樸家頗饒而儉樸仍舊好周貧乏精痘科延之者門常如市從未索謝遇貧者復代買藥物子明哲進士明豫廩生義行所及方輿未艾焉

冀元興幼失怙恃賴伯母養育成立年未冠伯母卒遺子三皆幼年興友愛備至後分居財產皆勻爲四股親族以爲不可元興曰伯母視吾猶子吾視二弟亦宜如同胞今各立門戶何忍獨豐乃從其志鄉里義之

庠生閻存德慷慨好義嘗一日載粟數石往市鬻之遇貧者哀乞周濟卽盡數與之毫無吝惜其他事多類此閻光宸質樸友愛與弟析爨時謂弟曰我一子女二子必三分之方公平弟不肯交相推讓鄉里避之

張鈞幼任俠有膽力父雲雯任貴州大定府照磨有能名生子三鈞其次也援例投鎮遠府經歷值苗匪滋事

拮据從戎後城陷與妻子皆殉難事聞倭即如例世襲
雲騎尉

李存福精岐黃術延之者雖無車馬亦不辭而從未索
謝常曰吾有田二十畝得以餬口足矣財何爲也曾至
一貧家婦病熱垂危卽出己錢爲市梨冰等物見床頭
有數月兒絕乳瀕死遂抱歸囑妻代哺母子因得兩全
其生平急於救人類如此

李其芳字君馥幼失怙恃以貧故習鐫刻餬口精鑒別
善鈎摹祁文端相國書法冠當代劉雪崖明經酷嗜傳
青主徵君字蹟皆必得其人乃勒石其巧蓋由神授性
樸厚膽養諸姪諸甥不分爾我遇義舉所施輒不吝焉
王九命舉人德裕之父治家嚴整子婦無嘻嘻聲見村
中婦女有倚門對語或與肩挑貿易者交言必親責其
夫故雖村人皆敬畏之

侯應祥業儒以孝弟見稱於族黨訓子弟以孝弟力田
爲要力屏時下講張之習嘗謂魯齋治生之說爲有幹
略者言之吾人止可守拙尚不失本來面目

侯于東應祥子性介直素履端嚴家貧菽水養親怡如
也兄弟病疫晝求醫藥夜侍湯水不畏漸染生平教人
惟以務實行屏虛名爲事道光間邑令鍾汪杰舉充鄉

飲介賓以正直可風表其門

郭福倉少孤母殷氏茹苦撫育及長至孝色養兼備母老憊不能動履一切櫛沐澣濯皆身任之無怨意如是者二十年

蘇望禹母因秋穫而斃於狼時望禹方幼號慟欲絕而無如之何年二十外每歲察狼乳必絕幽鑿險探穴得子而盡殺之如是者二十年計所殺百餘而餘忿未洩志在絕其種類而後已夫狼斃其母而子絕其種義勇之賈視楊香之伏虎何多讓也

孟廷猷字棟梁以捐貲修城功例授武略騎尉性仁厚凡親族鄰里婚葬或衣食窘迫無措罔弗愀然而來者快然而去計議調恤之貲恆不下數十百千其村富甲一邑異姓錯處狡猾恆多向例雀鼠之爭村人集廟議罰不直然強梁者阻撓物議日久相持不下人頗苦之自廷猷宰社而後出一言而鬪者帖服嫌怨頓釋數十年稱善俗焉彌留之夕於子姪建僕婢皆有遺囑大旨不離忍恕勤三字皆其生平所實踐云

聶喜珠字映川性謹愿樸誠輕財尚義業商而無市井俯張習事親以孝聞待兄弟極友恭析爨時讓宅不居田僅受五之一內外賒貸俱獨任之後兄弟業中落又

代爲經紀俾得溫飽乾隆癸丑冬詣八溝貿易中途拾一鞍褥內裝寶錠一枚擬待失者還之車夫促行車云爾我勞攘何爲何舍此現獲者爲終弗聽頃有倉皇哽咽至者稱三屯營人與店夥趁墟上沙橋因騎驚奔數里始收疆人雖無恙而所載失矣問其形狀數日悉符竟與之人皆笑其迂而彼不顧也其他樂善好施在遵化數十年遠邇無不稱者嘗戒子姪曰喫虧是福吾生平無他長只好此耳汝曹須誌之勿忘卽其言可知其心矣

王俊爽字希楷事親以孝聞有姊四能分多潤寡俸皆得所四姊早寡尤賴以全柏舟之節焉其他賙恤鄉鄰亦無所吝又於村中倡立義學俾貧家子莫不知書至今人皆稱之

侯守韜家貧親老爲人傭賃以爲贍養爲便省視故常不越閭里人稱其孝視人事如己事不憚勤勞視人物如己物未嘗輕棄前母兄守信早逝遺孤在抱韜與母撫育俾得成立族人有病疫者不避漸染爲之延醫並給薪米俾得生全其至性之純篤蓋有非尋常所能及者

宋良琪孝友性成喜讀勸善諸書凡修廟開路捨藥諸

事皆竭力爲之生平以不暇讀書爲憾子孫必使之從
師力學於是入邑庠者不一而足

恩貢生趙曰楣字輝宇性恬靜和平言動不苟家貧以
舌耕所入奉親敬養備至終身如一日尤能得繼母權
心居喪悉遵古禮哀毀異常昆仲二人兄以狂疾成棄
生計維艱養生送死皆身任之弟以服賈客死北直出
貲託故交搬骸骨歸葬弟婦無依悉力養給務使得所
任重道貢生南金之父也十四歲失怙恃妻閻氏較長
一齡女弟方免懷家且貧族人欺其幼弱有侵吞意夫
婦努力自愛得持門戶友愛女弟老而倍摯每念及父
母輒流涕立言制行有長者風爲鄉里所器重

趙五雲秉資敏秀賦性純誠三續學早入邑庠白首
窮經不愧宿儒居家則孝弟克敦處世則言行交顧嘗
硯食於榆次之什貼鎮四十餘年賓主相得循循善誘
多所造就

郭長崇三歲失怙賴母郝氏矢志堅貞撫育成立性至
孝服勞奉養能得親懽十九歲居母喪哀禮交盡無異
成人生平約於自奉而於人之空乏者輒提攜周卹之
不吝乾隆三十五年知縣龔公表其門口尙義可風
弓同德字寅舫孺慕之忱老而彌篤父死遇雨慮不克

葬未幾兩止里人同力爲除道一里許得終事焉蓋皆以孝感所致年五十無子弟勸之買妾曰弟有二子則父有孫矣吾何事作不可必之想乎設教四十年大抵以敦實行爲要而慎言謹行尤堪爲人坊表迹其生平不牽物欲蓋又得力於南華經云

任恆敬字崇禮自幼苦讀老而弗倦事親敬養交至事繼母尤能得其懽心持己謹嚴待人皆極謙和自奉儉約期卹初無吝意咸豐閒由附貢生援例捐署絳州學正訓迪有法不義之財一毫不取其廉介又有足多焉任悠遠弱冠失怙而孝友性成事寡母色養兼至時仲

季兩弟年皆幼冲能曲體親心躬親表率爲之延師教讀俾克成立聞鄉里有義舉卽捐貲以成之不少吝惜杜瑞沅字輯五家貧棄儒業商無市井氣事親盡道事繼母尤能曲謹有子五以長子五子爲亡兄嗣後析產以半與弟而使五子均分其半又後弟老子幼家漸落更爲弟購田四十畝且令其子代爲耕耨不使失所至其急公好義周卹鄰里竝爲人所欽仰云

溫豫泰字子立早失恃事父十餘年色養交至夜必同宿父遣之終不忍去有小弱弟妹各一撫之備極友愛凡婚嫁事儀皆竭力經營不以家貧致缺以故益得父

權迨父歿哀毀成疾蓋孺慕之忱出於不能自己云
張會圖字魚藻性沈靜少受庭訓耽讀無閒寒暑爲邑
庠生屢列優等以貧故設教鄰村務敦實行不專於辭
章之末故承其傳者多純謹士中咸豐壬子科副榜不
樂仕進事親奉兄皆能如禮生平善排難解紛得其一
言爭端遂息故鄉里皆敬重之

傅安邦字靜瀾生性和平無疾言厲色兄弟五人安邦
其次也自幼出爲胞叔嗣事之能得懽心叔母晚年多
病侍奉湯藥未嘗暫離及卒哀毀骨立而叔父又得癱
疾臥床不起六七年閒殷勤侍奉卒致壽終處兄弟友
恭克盡從無一語傷情亦人所難云

監生郭維盛字增甫生平勤儉持家而事親延師備極
豐腆幼失恃事父及繼母委曲盡道必得其懽心而後
快人未嘗見其疾言遽色有兩弟偶有觸犯輒以大度
容之有告貸者必量力助之不使虛還

弓耀輝家貧父以商歿於外時耀輝甫弱齡遂泣而不
食欲迎父屍母以路遠無貲難之耀輝乃治糠穀爲餼
糧而行竟達其所負屍以歸母年老病德朝夕左右扶
持無不周至村人重其孝行欲贈以匾乃正色曰吾盡
吾職耳豈借父母以要譽乎遂不受

監生郝元幼失恃十七歲父廩生蘭書又卒元事繼母克盡子職至老不懈母卒晝夜號泣數月亦卒

魏檀七歲失怙恃賴兄嫂撫育成立經商於獲鹿事兄嫂備極恭順迨受室之後恐妻之不禮於兄嫂也卽與兄分爨每臨行預囑賣貨者由兄賒買歸卽代爲償之如是者四十餘年兄卒待姪益厚凡三喪妻而三爲娶焉又樂善不倦鎮人重修義學其募化之力爲多云高映壽貢生逢上之子力學勵行篤於孝友人無閒言治家謹嚴子婦無敢失禮

李映堂性誠樸不苟言笑尤敦孝弟處戚里能和恤鄉人化之

庠生閻作詰持己接物皆有矩矱性至孝事繼母能得其懽心弟繼母所出極友愛爲之延師課讀亦入邑庠王武科字英總先世業農代有厚德其父明軒以貧故入都習繪事嘗爲莫爾根王營葬事無靡費王子感其誠遂與訂交嗣是都下官工皆爲所董而家漸以裕武科世其業工尤精而於賞財初不介意諸貴人益敬重之道光二年總理皇工數處共匠工千餘人內有不法者忽然離局上花名冊者三百餘人持刀嚇眾不縱一人上工監修官禧公卽欲劾奏議罪武科再三爲之

總宥聽其自悟禧公聽其言停工數日眾果悔踴躍倍
昔越月餘有惡棍某恃酒行兇手刃其長子行如窮
救不得意其必死某去視之刀痕滿頸而不能入竟得
無恙咸驚爲活人之報時武科寓 京師家人馳報議
鳴諸官實某重法武力持不可事遂寢又與某貴人契
貴人革職賓客俱散武科與父周旋其閒數十年無變
志家幾落後貴人子復貴乃復舊業某歲從獲鹿歸路
遇乞兒詢知孝義縣人學賈邊外中途落魄卽給以資
斧遣价送回本籍生平輕財重義容人之所不能容濟
人之所不能濟類皆如此援例授守禦所千總年七十
而卒邑人劉彙爲表其墓

劉賜福幼失怙事母以孝聞家極貧而戚友有困乏者
輒轉爲稱貸以救濟之又以身未讀書爲憾遣其長子
子琛從郭蓮峯先生學先生重其品而憐其貧不受束
脩者數年後子琛以恩貢生選訓導

監生聶子惠字春高居家以孝友稱處鄉里尤喜施濟
人有爭訟者輒爲排解故數十年村中無一事瀆官者
有幹濟才邑令王公重修邑城多資其學畫蒙 恩賞
給鹽運大使精岐黃術於眼科尤良求醫者貧富一視
之人感其義贈以匾曰德隆閭里

任秉直字樸庵賦性樸誠善讀書法古教務孤姪慈
兼至治家內外嚴肅雖承先人厚業而疏食布衣一如
寒素遇鄉里義舉皆慷慨施助無少吝惜

